

BAHEBRAYO, CHIPATI CANE



. . . nku ziba kunji kujatikizya Mwami wesu wakalelekwa. Alimwi obo mbo bukanze bwesu—bwesu ibwa kubungana awa, nkwa bukanze obo, alimwi, lino, aku kombela bana ba Leza bacidwe. Elyo kuseeni okuno twa jisi ii—ii cilongezyo cibotu kuzwa ku Magwalo.

² Tu sola kubweza, acimwi cindi ca kuswaangana, cibeela ca. . . Ndi yiisya mu Bbuku lya Bahebrayo, mbo kwabede, ku mvwiki zisyoonto zyainda lino. Elyo lino, ikuti na Mwami wayanda, tuya kuzumanana masiku Bwatatu, mpawo Munsondo kuseeni a Munsondo masiku, kuyabuya, kufumbwa kuti Nkeli kookuno mu ciindi eci. Kutali lubukulusyo, pele lwalo ndubukulusyo, muswaangano wa masiku esu alyonse. Elyo aboobo tuli kkomene kapati, kapati kuba aciindi cakuswaana beenzuma babotu konse ku madolopo, a konse ku Madolopo aku Falls okuno. Elyo ikuti—ikuti na twa citika kuba akusaya na cintucimwi, antela unooli Mwami unotu sololela, cakufwambaana neconzyo, ku. . . ndiza inga twa konzya kuba a masiku masyoonto, ndiza, mu mayake akunyanyamuzya mibili na cintucimwi, kwaitanda kaindi, ikuti na Mwami waboneka kusololela nzila eyo, ku busena oko nko tukonzya kubunganya bantu antoomwe.

Alimwi twa bona bantu ni twali kuboala, kaba jokela, akuti, “Kwanyina busena bwa—bwa kunjilila.” Mubwini, cikombelo nciniini kapati. Ci kkwana buyo bantu, basyoonto loko loko, alimwi tu kkomene ncobeni kuti muli libambilide kusika a kukkala mupya, ku kumvwa Ijwi lya Mwami. Elyo tu komba kuti Leza uyo mulongezya, kapati cakwindilila a kumu gwasya.

³ Elyo lino, sunumasiku, tu yanda, tu talikila aali ca 4 chip- . . . Mbangaye baliko okuno kuseeni okuno? Atu bone maanza anu. Oh, eco ncibotu, mu kasimpe nyoonse nywebo. Elyo tuli aali, katalikila aa, chipati ca 4 ica Bbuku lya Bahebrayo. Oh, ino ndi Bbuku libotelezya kapati! Sena muli muku Li botelwa? [Mbunga yaamba, “Ameni.”—Mul.] Elyo kwalo kweezyanisywa Lugwalo ku Lugwalo.

⁴ Elyo Paulo, katana kusola kupa bumboni ku luzibo lwakwe, wa kasaanguna kuya kumusanza ku Arebiya kuyo ziba, ku Ijwi ikuti na lwakali lwa Bwini. Ndila cibotelwa eco. Elyo ciyyo ca kuseeni okuno, twa jana kuti, mukwiiya kuseeni okuno, nkuti Kristo wakali mbobuca nguwenya, sunu, amuya myaaka. Alimwi Paulo wakajana oyo nguwenya Musumpululu wa Mulilo waka sololela bana ba Israyeli, waka muswaana mu lweendo kuya ku Damasiko. Twa jana kuti Musumpululu wa Mulilo, waka sololela bana ba Israyeli kuzwa mu nkanda, kuyaku nyika ya

cisyomezyo, wakaswaana Paulo mulweendo kuya ku Damasiko, akuliita Mwini kuti, “Jesu.”

⁵ Mpawo twa jana Buleza bwini bupati bwa Jesu Kristo. I Bbuku mbolizulwa awa nciyubunuzyo ca Jesu Kristo. Elyo Wa kasika, tu jana kuti, “Mu ziindi zyakale a mu ziyanza zyansininsini, Leza wakakanana ku matata kwiinda mu basinsimi; mu mazuba aya akumamanino kwiinda mu Mwana Wakwe, Kristo Jesu, Wa kaliyubununa Mwini.” Elyo Bbuku kuzwida ku Matalikilo kusika ku Ciyubunuzyo tacili cintu pele ciyubunuzyo comwe, ciyabuya, cizumanana kabotu ica Mwami Jesu.

⁶ Elyo tu jana kuti Wa kali Oyo wakali mu citeo ciyaka mulilo. Tu jana kuti Wa kali Oyo wakali a Leza kuzwa ku malengelo aa inyika. Elyo tu jana kuti, mu Cizuminano Cipyaa, Wa kali Leza a Muntu, antoomwe. Elyo mpawo cindi Na kasiya Cizuminano Cipyaa kuya ku Julu, Wa kati, “Nda kazwa kwa Leza, alimwi Ndi bweeda kuli Leza.”

⁷ Elyo mpawo cindi Paulo naka Mu swaana, Wa kali ciimo nciconya Nca kabede cindi Na kasololela Israyeli, Musumpululu wa Mulilo. Elyo Paulo waka Mu langa nkoonya ku meso, katana kusanduka, nkabela caka mucitya kuba a penzi lya liso onse mazuba akwe. Wa kali ofweede, nkabela kwa mazuba masyoonto takali kukonzya kubona cintu pe. Wa kacitwa kusololelwa ku kagwagwa kakali kutegwa Kasuumene.

⁸ Elyo Leza waka jisi musinsimi kumusanza okuya oyo Ngwa kakananina, wa zina lya Ananiasi, oyo wakasika, ku cilengaano, nkabela wakabikka maanza akwe ali Paulo, a kuti, “Mukwesu Saulo, tambula kukubona kwako.”

⁹ Elyo tu jana kuti, mpawo, oyo nguonya Muuya Uusalala, oyo nguonya Mwami Jesu, wakasika kuli Petro mu ciwa ca Mumuni aku muvuna kuzwa mu ntolongo.

¹⁰ Elyo tu jana kuti nguonya Mwami Jesu, mu mazuba aya, ucili muli oyo Musumpululu wa Mulilo (Mumuni) oyo usololela bantu Bakwe (Mbungano Yakwe), kaicita cintu nciconya, kaipa zilengaano; kusika a kubikka maanza aa bantu, kwinda ku cilengaano. I Mwami Jesu, Oyo waka swaana Munsondo kuseeni mwainda ku ng’anda, a kuti, “Kwakali mwaalumi wakasika, uusiya kumasusu akumutwe, akali kuyabuba amvwi. Wa kali mu Griki. Mukaintu wakwe wakali wamusela waakatikati, alimwi kaomoka aa cipaililo.”

¹¹ Bamwi babo baka caamba, a kuciziba kuti cakali kucitika. Wa kali mulema kobile, i—i nsinga zyakuyeeyela zisitikizya mu mutwe wakwe zyakali nyongene. Ta kakonzya nokuba kweendelezya matende akwe na maanza akwe. Alimwi wakali moofu. Elyo kucibamba bumboni bobilo: Nda kajisi mulindu muniini wakasika kukombela baciswa, lutaanti, mpawo wakavuuluka nkabela wakacitya Mukwesu Thom

kuboola kukomba. Elyo swebo, katukkede awa, ku cilangilila kacisumpuka. Elyo mpawo Nda kaselemuka kuyo kombela baxiswa, a kujokela. Elyo waa kasika, mbubonya buyo kweendelana ku cilengaano, akundi jata ku kuboko akutalika koomoka, elyo wakati Dr. Ackerman waka batumide okuno. Dr. Ackerman mweenzuma wamunsi, muna Katolika. Mwana wakwe musankwa mupaizi ku buyake bukkala bamapaizi baalumi ku—ku Saint Meinrad, akunselelo mu Indiana. Alimwi oyu mwaalumi wakali kuzwa ku Jasper. Elyo Mwami waka muponya, kuzwa mu cuuno eco. Wa kabuka a kweenda. Wa kakonzya kubona kabotu mbuli umwi umbi. Elyo wakeenda kuzwa mu buyake, kali kabotu a kuponesegwa. Koonse ku cilengaano!

12 “Mukwesu Saulo, Mwami Jesu wakalibonya kuli nduwe mu nzila, wandi tuma kuti Nzo bikke maanza angu ali nduwe, kutegwa utambule kukubona kwako a kuzuzigwa Muuya Uusalala.” Ncibotu.

13 “Mpawo tu jana kuti, mu kubona kuti tu jisi olu lufutuko lupati, ta tweelede. . . Tii twa kakonzya kuyokoka zisubulo a bukali bwa Leza, ikuti na twa unduluzya lufutuko lupati boobo.”

14 Lino tula talika kubala, sunumasiku, abusena, akutalikila chipati ca 4 ica Bbuku lya Bahebrayo. Ikuti na umwi uyanda kutobela ambali, tuli jisi Mabbaiabele awa. Ikuti na uyanda limwi, baa, umwi wa maasha ula lileta kuli nduwe, ikuti na wanyamuna janza lyako, aya—aya Mabbaiabele. Ikuti na umwi wa bakwesu ano atole. . . Kuli Mabbaiabele obilo abikkidwe alya, Ndila syoma.

15 Elyo lino tula binda, nkaambo tu jisi mulalilo kaina kaindi kaniini. Elyo awo mpo twa manizya sunumasiku, Bwatatu masiku tula talika alubo. Lino, Ndila syoma, cifumo cino mu kubala kwesu, tu talikila aa kampango ka 15.

16 Muntuumwi, ndiza ta ndizi mukusama magilazi, a kubalila. Ndiya bucembaala. Alimwi Ndi cikonzya kubala, pele Nse konzyi kwabweza kufwambaana, kapati cindi Nda jana kubala kuniini, bulembo buniini.

17 Elyo Nda kaunka kuyo langwalangwa meso angu, kubona ikuti na Nda kali kusweekelwa kukubona kwangu ncobeni. Meso angu akali a teeni—teeni. Wa kati, “Pele wa kaindilila makumi one, mulombe.” Wa kajisi cintu cakuti ndibale, kati, “Talika kucibala eco.” Nda kacibala. Elyo Nda kazumanana kuswena maningi, caka cesya aku cesya loko. Elyo caka tandila mbuli *eci*, Nda kaleka. Mpawo wa kabikka alya ca teeni—teeni, Nda kakonzya kucibala ali onse. Pele wa kati, “Ino ncinzi, cindi wainda makumi one, zikoye zyako zyameso zila landabala.”

18 Lino, Nda konzya ku kufwinyafwinya meso angu a kubala buyo eco munsi kuli ndime, pele weelede kufwinyafwinya.

Aboobo, wa kandi pangila magilazi. Ndila konzya kucibona, ali onse, cindi canooli mumsi loko kuli ndime. Lino, cindi catantamuka kuzwa kuli ndime, konzyi kubona pe a zintu ezyi. Pele Nda abala, kubala kuzwa kuli ceeci kubelesya magilazi.

¹⁹ Lino, kuseeno okuno, twa kajisi cibeela ca chipati ica 3 ica Bahebrayo. Elyo, oh, ino nzyamukati zibotu loko nzo tu jana. Lino amuswiilile. Ndi yanda kubala alubo, kutegwa tu jane ntalisyo lino. Kutali kwaambaula ali ncico, pele ku ciinduluka buyo asyooonto.

Kuciindi noku tegwa, Sunu ikuti mwa. . . mvwa jwi lyangu, muta yumyi myoyo yanu mbuli mu kusumunwa.

Nkambo bamwi, balo, bakali mvwa Ijwi, cindi niba kali mvwa i Ijwi, baka sumuna: nekubaboobo tabali boonse bakazwa mu Egepita kwindi kuli Musa.

²⁰ Lino, muli ceeco, kuseeni okuno, tu jana kuti Wa kati, “Muta yumyi moyo wanu lino, mbuli mu mazuba aa kusumunwa.” Eco ncecindi niba kasumuna Leza kuti anyeme, nkaambo Wa kaba pede Musa, musinsimi Wakwe, nkabela citondezyo eco cakali a Musa. Mbangaye, bamu kkilasi sunumasiku, bazyi eco citondezyo mbo cakabede? Musumpululu wa Mulilo, Bahebrayo 13.

²¹ Lino, ta tuzyi naa mbunga yaka cibona eco citondezyo na pe. Pele Musa waka Ubona, nkambo Musa waka Mu swaana lutaanzi mu citeo ciyaka mulilo. Wa kali Mulilo. Elyo bana ba Israyeli baka swiilila Musa, a kusiya Egepita. Elyo mbo bakazwida buyo mu Egepita, Leza, twa kajana kuti, waka basololela moonya mu kooze. Oko, impi ya Farao nkoya kali kusule lyabo, Lwizi Lusalala ku mabazu obilo, nkabela Leza waka babikka ku kusolekwa; nkabela baka yoowa. Elyo caka sumuna Leza. Wa kati, “Nkaambonzi Nco ndililila?” Kati, “Koamba buyo a kuya kumbela.” Nda cibotelwa eco.

²² Lino, bakali kutobela Musa, mbuli Musa mbwakali kutobela Musumpululu a Joba, nkabela bakali mu lweendo lwabo kuya ku nyika ya cisyomezyo. Cifwanikiso cibotu ica Mbungano, sunumasiku, mu lweendo lwesu kuya ku Nyika ya cisyomezyo, kusololelwa aa Muuya nguonya, zitondezyo a zigambyo nzyoonya mbuli mbwa kaamba Leza.

²³ Lino amubone. Mpawo, ba kasika ku Nkanda ya Cibi. I—i maanzi akali “kulula,” *Mara*. Nkaambonzi Leza nca kabasololela ku meenda alula? Kuboneka mbuli kuti Na kabasololela ku maanzi mabotu. Pele Wa kabasololela ku meenda alula kutegwa Ka konzya kusoleka lusyomo lwabo. Ula botelwa kucicita. Ula botelwa kulekela mafwabi kumu sikila, kutondezya kuti Ula konzya kumu tondezya luyandisyo Lwakwe a nguzu Zyakwe. Mbobuti bantu mbo bakonzya, sunu, abo batasyomi muli Leza uucita maleele, cindi mafwabi asika, bala

leka aku zumanana? Pele tu syoma kuti “Leza ulacita maleele.” Ta konzyi . . . Leza ulijisi . . .

²⁴ Amu ciswiilile eci. Ikuti na Leza ta citi mbubonya, cindi ziimo zyoonya zyabuka, mpawo Leza ujisi mulandu wakuba sikusalulula ku bantu Bakwe. Kulyeendelezya kwa Leza ku Mu sesa kubeleka mu twaambo tonse mbuli Mbwa kacita kaambo kataanzi, nape Wa kalubila cindi Na kabeleka mukaambo kataanzi. Ikuti na Leza ta citi mu nzila njiyonya Nja kacita ku kaambo kataanzi, ikuti na Uya kucita bwandeene ku kaambo kataanzi, nkokuti Wa kalubila cindi Na kacita ku kaambo kataanzi. Ikuti na Leza wakaponya baciswa mu Cizuminano Cakale, Wali kweelede kucicita mu Cizuminano Cipy a asunu, nape Wa kalubizya cindi Na kabaponya kaindi okuya. Walo weelede kucita mbubonya, ziindi zyonse. Alimwi Uya kucicita, cindi lusyomo ndulonya lwa swaana ciimo. I kampenda kali muli ndiswe, kutali muli Leza. Nkambo tula Mu bona ali bamwi, a banji, kabeleka maleele mapati mabotu loko. Tuli cizyi. Sikukazyi takonzya kwaamba kuti, “Takuli boobo.” Nkambo tula Ci bona kacitondezya, nkabela nceco we.

²⁵ Bakali kunga baamba kuti, “Kondi tondezya maleele.” Taba konzyi kwaambo obo limbi. Sayaansi ta cikonzyi kwaamba limbi. Tula konzya kutondezya cakumaninina ku inyika yasayaansi. Elyo inyika yasayaansi yakapa bumboni ku Cilenge ciindakugambya, mu ciwa ca Musumpululu wa Mulilo, uli andiswe. Nceeci cifwanikiso Cakwe, mpoonya awa, a cimwi cila lengelela mu Washington, DC, sunumasiku. Ngu Kristo nguwenya.

²⁶ Nkikaako, mbuli kuciindi, bakwesu bangu bakutauka bakali kundaambila kuti, “Oh, Mukwesu Branham, oyo ngu dyabulosi. Uta li cengi aceeco.” Ba kandikonga.

²⁷ Elyo Nse ka cikambauka kusikila Leza nakasika a kuciyubununa, kuti, “Ngu Jesu nguwenya, Oyo nguwenya.” Oh, mpawo kusola kucizunganya kuzwa kuli ndime? Konzyi kucitwa. Nkambo, lwalo Ndugwalo. Ndi Ijwi lya Leza. Ta luli buyo luzibo luta tonkomene. Lwalo nduzibo lutondezegwa ku Ijwi lya Leza alimwi cisyomezyo cilelekedwe Citamani ca Leza.

²⁸ Lino, tula bona awa, mpawo, kuti Wa kaaamba.

Nkambo bamwi, cindi niba kamvwa, ba kasoka: . . .

Ncamasimpe. Ba kakatala, ciindi conse niba kali kusika ku busena oko kazekelo nikakasika. Mpawo ino niba kacita nzi? Niba kanyema a ku katala, kuyanda kubweeda, alimwi, “Nkaambonzi eci ncicicitika kuli ndime?”

²⁹ Cintu ceenzu, kuseeni okuno, kumane kukambauka canguzu buyo mbuli Mbwe konzya, kwali banji basika ku cipaililo a ku Ci buzya, “Nkaambonzi eci cilacitika kuli ndime?” Mwa Ci bona mbo cuunka na? Calo ciinka atala lya mitwe ya bantu. Ncimwi buyo calo, bantu.

30 Jesu wakati, “Muli jisi meso, pele tamu konzyi kubona.” Wa kaamba ceeco kuli basikwiiya.

31 Ba kati, “Bona, lino Wa amba cantangalala. Lino tula syoma. Taakwe muntu weelede Ku kwaambila cili conse, nkaambo Leza ula citondezya kuli Nduwe.”

32 Wa kati, “Sena lino mwasyoma, kumane ciindi eci coonse?” Mwabona?

33 Ta mweelede kubuzya cili conse, kuli Leza. “Nkambo ndyato zya matende a balulami zilaililwa aa Mwami.” Elyo sukusyo lyoonse libikkwa ali ndinywe, nzya kumutondezya. Alimwi Bbaibbele lyakati, “Alo mayandisi kapati kuli ndinywe kwiinda ngolide.” Aboobo ikuti na Leza walekela mapenzi masyonto mauba kucitika kuli ndinywe, amuyeeye, nga kululamika ndinywe. “Mwana onse uboola kuli Leza weelede kusaanguna kukomwa kuli Leza, a kusolekwa, kuyiisigwa kwa bana.” Takukwe kusalulula. “Mwana onse uboola.” Alimwi aya mapenzi ala citwa, ala letwa, ku kubona obo kulanganya nkoya kutola. Mwabona? Ngu Leza, ambali eyi ya kusunkila. Obo yonse nyika mboibede, masena a kusunkila, alimwi awo Mpa sola kumutondezya.

34 Lino amuswiilile, mbuli mbo tuya ambele. Alimwi Ndi yanda kubweza cibeela camamanino ca nco.

Elyo kuli mbabo nkwa kakonkezya kuti taba kanjili mu kulyookezya kwakwe, . . .

Lino, mpaawo mpo tuboola, sunumasiku.

. . .mu kulyookezya kwakwe, pele kuli baabo bata kasyoma?

Aboobo tu bona kuti tiiba kakonzya kunjila. . . nkaambo ka kutasyoma.

35 Lino, ncinzi cibi? Kutasyoma. Leza wakali boolede kuli mbabo, mu Musumpululu wa Mulilo; wakatuma musinsimi Wakwe, aku munanika, wakamupa zitondezyo zya kucita kumbele lya bantu. Elyo mpawo Musumpululu wa Mulilo, kwinda ku musinsimi, wakabasololela kuzwa. Ziimo zyonse nzoba kasika, ba katalika kug’untauka a kwaamba kampenda koonse kaniini nki baka jana muli Musa, akutalika kubisyabisya kulabalika kulwana nguwe. Nkabela Leza wkabijilwa, nkaambo Wa kati, “Ba kali kubisya.”

36 Ba keelede kuswiilila. Pele, mucibaka ca ceeco, ba kaswiilila ku kubuzyabuzya, “Inga caba buti? Inga zintu ezi zyaba buti?” Ikuti na Ngu Leza, zintuzyonse zila konzeka. Alimwi Uyo bamba zintu zyonse kabeleka antomwe ku bubotu kuli baabo ba Mu yanda.

37 Lino tu njila mukwiiya kupatu awa, nkwa, “Kulyookezya,” i *sabata*. Lino, bakali bamuzwamasi mu lweendo lwabo. Mwabona? Bakali kookuya kumusanza mu Egepita, kwa

myakalili myaanda yone, a mu buzike. Elyo lino bakali kugusigwa kwindi ku maleele aa Leza, kweendelana ku cisyomezyo Cakwe. Elyo bakali mu lweendo lwabo kuya ku nyika ya cisyomezyo. Elyo mpaawa Mumuni wiindakugambya wakalibonya, akati kabo, a kutalika kuba sololela.

³⁸ Lino, umwi inga wati, “Lino, amulangisye awa, nguni oyu Musa? Nguni waka kubamba kuba mweendelezi kuli ndiswe? Sena toli umwi wesu? Nguni waka kubikka kumusanza okuno kuba simalela wesu? Yebo uyeeya kuti uzyi kwiinda mweembeli wesu mbwa cita? Yebo uyeeyya kuti uzyi kwiinda mupaizi mbwa cita? Yebo uyeeya kuti uli—uli musongo kwindi bantu besu bakombi mbo babede, ba buzuba obuno?” Eco cakanyina cintu cakucita ancico.

Wa kali Leza, mu Musumpululu wa Mulilo, kasimpikizya kuti Wa kali mu mulimo. Tii cakabamba lwandaano kuli oyo wakali musongo a oyo watakali musongo. Wa kali muzeezo wa kutobela eco Leza nca kabikka kumbele lyabo.

³⁹ Baa, Musa kuciimo cakunyama, wakacita cintu ca bufuba cindi naka sola kuvuna bana kwindi ku Ijwi lya Leza, kugusya cikama ca bantu mu nkanda. Cindi na kacita cakwe. . . Baa, wa kali sikukona ku zintuzyonse nzya kajisi. Wa kali jisi impi zyonse zyakaliko, mu inyika yoonse, kuzizunda. Alimwi ngooyo mbwa kabede, jeniroyo mupati wampi. Elyo ntaamo itobela, wa kali sikuba mwaami, Farao wa Egepita. Baa, ta kakonzya buyo kuyutukila ku cuuno cabwami, a kuti, “Neibotu, nobana, kamu zumanana kujokela ku muunzi wanu.” Eco cila cibamba; wa kali Farao. Pele Musa. . .

⁴⁰ Oh, nceeco we. Musa, ku *lusyomo*, wakabona cisyomezyo ca Leza. Elyo Angelo wa Mwami wakamu sikila, nkabela wa kaziba kunji kujatikizya Leza, mu maminiti osanwe mu Busyu bwa Angelo oyo, kwindi mbwa kaiya kwa myaka ili makumi one kuli bamaiyi ba Egepita. Wa kaziba kuti Mbwa kabede. Wa kacibona cigambyociindi kacicitwa.

⁴¹ Wa kati, “Njo ba anduwe, Musa. Njo unka kumbele lyako.” Elyo ba kamvwisya. Alimwi Wa kamupa zitondezyo zya kucita.

⁴² Lino, ba kali mu lweendo lwabo kuya ku nyika ya kulyookezya. Leza waka bapede kulyookezya, busena awo mpoba takakonzya kuba. . . basikubabelesya kubeendelezya, ku babinga, kubacitya zintu.

⁴³ Ino ncifwanikisyo cibotu ciliko sunu, cindi twa langa Mbungano akubona Mbungano mu ciimo cayo, muntu onse wakazyalwa ku Muuya wa Leza ulaisampaula inyika. “Elyo ikuti na muyanda inyika na zintu zya inyika, luyandisyo lwa Leza alwalo talumo muli ndinywe.” Obo mbo lyakaamba Bbaibbele. Alimwi muzwamasi wini, mu lweendo lwakwe, ula zisulaika buya zintu zya inyika. Ula sulaika kubona bantu kabanywa. Ula sulaika kubona bantu kabafweba. Ula sulaika kubona banakazi

mukagwagwa, kaba samide zisani zyakaindi ziniini zyatombe. Ula sulaika zya kucenga munjuka a maparti ya makkadi.

44 Elyo jilo, kuciindi Mukwesu Tony. . . na Mukwesu Wood a Mebo nitwa kali kuboola kwiinda mu kagwagwa, a bamwi banji, amwi bantu. . . Kwakali mulindu muniini omuya mu Louisville, wakali kuselemuka kagwagwa, mwanakazi muniini wakali kuboneka kabotu, kasamide zisani ezyo zyakali zibyaabi; aniini buyo atala eni lya kasolo, a kalembo kaniini kakaangidwe atala lya tusolo twakwe, ku lubazu alumwi, a kabeela kaniini ka cisani kakavumbide kumbele lyakwe, a kakaangidwe kubelesya katambo kunze. Keenda kuselemuka kagwagwa, cabubyaabi, nkabela mwaalumi aumwi aa kagwagwa kamulangi. Nda kati, “Ta mvwisyi kuti ujisi mulandu, kumeso a Leza, kacita mamambi a mwaalumi onse uumulanga mu cianza eco. Elyo uyo peda bwiinguzi ku buzuba bwa lubeta ku kucita mamambi a baalumi abo.”

45 Jesu wakati, “Kufumbwa oyo ulanga mwanakazi caku musukama, wacita kale mamambi anguwe.” Mbo mbubo.

46 Aboobo, nywebo mwabona, Mukwesu Wood wakati kuli ndime, “Ncinzi nco lekela ceeco, Mukwesu Branham?”

47 Nda kati, “Nku bulizya mu kuyeeya na kunjilwa daimona.” Kuli zintu zyonbo biyo zya kucibamba. Ii mwanakazi mulondo, ulilemeka kabotu taka sami ezyo zintu; citakuti unjidwe daimona. Obo mbwini ncobeni.

48 Lino, muzwamasi uli mulweendo lwakwe kuya ku Julu, walo upona mu bube bwandeene. To pengani kujatikizya nguwe ku mulanga. Uya kunyona mutwe wakwe ikuti na Leza mwali mu moyo wakwe, nkambo uponena mu bube obo buli mamaile ali milioni kuzwa ku zintu ezyo. Mbo mbubo. To kayandi kuba amulandu a zintu ezyo, ku lubeta. Aboobo ula unyona mutwe wakwe akuti, “Leza, komu fwida luse mwanakazi,” nkabela wazumanana kweenda. Tuli mulweendo lwesu. Tuli mu nzila yesu kuya ku Nyika ya Kenani. Tuli mu nzila yesu kuya kuli oko Kulyookezya Kutamani kubotu oko Leza ngwa katupa. Alimwi mu lweendo, tula sunkwa. Tula sunkwa ku misyobo yonse ya zintu, pele nekubaboobo kusunkwa kakutakwe kubisya.

49 Lino amubone, mbuli mbo tuunka ku chipati ca 4, “Nkikaako atu yoowe.”

Nkikaako atu yoowe, kulesya, cisyomezyo caka siilwa ndiswe kunjila mu kulyookezya kwakwe, . . .

50 Ndi yanda kuti muyeeye, kuti, cita twa ziba, cita Leza wa ciyubununa kuli ndiswe! Takukwe makani kunji mbo twiinka ku cikombelo, eco tacikwe cintu cakucita a ncico. Leza weelede kusika kwinda ku ciyubunuzyo a kuliyubununa Mwini kuli ndiswe, eco cigwasya zyonse zintu zya inyika. “Lino, kuciindi noku tegwa, ‘Sunu ikuti mwa . . .’”

51 Lino atu talikila i—i chipati ca 4.

Nkikaako atu yoowe, kulesya, cisyomezyo caka siilwa ndiswe ku njila mu kulyookezya kwakwe, . . .

52 Lino amuyeeye, cindi nibakali mu lweendo kuya ku Kulyokezya, Musumpululu wa Mulilo waka basololela. Lino tu yanda kuziba, “Niinzi oku Kulyookezya?”

Atu . . .yoowe, kulesya, i cisyomezyo caka siilwa ndiswe ku njila mu kulyookezya kwakwe, (amulangilile), umwi wanu kuboneka kukakilwa ku kunjila.

53 Lino, nceeci cisyomezyo. Nceeci nco tweelede kuyoowa: ikuti na takukwe cisyomezyo caka siilwa ndiswe. Pele nceeco cisyomezyo! Elyo mpawo, cintu citobela, muta kakilwi ku kujana.

54 Lino, muyeeyo ngwa kuti, ikuti na tuli mu nzila yesu kuya ku Kulyookezya, niinzi Kulyookezya? Ino kulaali? Sa nkusangana mbungano? Sa nkubizigwa nzila imwi? Sa nkuba membala wa mbungano mpati maningi mu dolopo? Kusama zisani zibotu? Sa ndwiio? Sa mali, kutegwa tukonzye kuleka ncito aku kkala buyo, kupumuna buumi bwesu boonse, mbuli mbo tu ciita? Eco tacili ncico.

55 Amuswiilile Bbaibbele nco lyaamba kuti mbo kubede, a nzila mbo tusika kuli nkuko.

Nkikaako atu yoowe, kulesya, cisyomezyo caka siilwa ndiswe ku njila mu kulyookezya kwakwe, umwi wanu kuboneka kukakilwa ku kujana.

Nkambo kuli ndiswe (i buzuba kaindi) makanimabotu aka kambaukwa, akwalo kuli mbabo: . . .

Ino Makanimabotu niinzi? I nkani mbotu. I nkani mbotu ya kabasikila mu Egepita, yakuti, “Leza watuma mvuni, nkabela Uya ku tugwisya a kutu tola ku nyika ya cisyomezyo.”

56 I nkani mbotu kuli ndiswe lino, yakuti, “Leza watuma Mvuni, Muuya Uusalala, nkabela tuli mulweendo kuya ku Nyika ya cisyomezyo.” Lino bantu ba cibamba kuba buzumini bwabukombi a tubungwe, pele Leza ucili mbwabede, kuteeti, *Kulyookezya* kwesu “Muuya Uusalala.”

57 Amubone.

. . .makanimabotu aka kambaukwa . . .kuli mbabo akwalo kuli ndiswe: pele ijwi lya kakambaukwa tiilya kaba gwasya, i . . .

Amuyeeye:

. . .ijwi lya kakambauka tii lyaka bapa mpindu, muku tasanganisigwa a lusyomo muli mbabo abo bakali mvwa.

58 Oh, bakwesu bangu, andi ime awa aniini. Takukwe makani kuvula kwa Ijwi lya kakambaukwa, obo mbo muyanda kabotu nzila mbo Lya kambaukwa; citakuti yebo lwako uli sicaabilo wa Ndilyo, Tali kaku gwasyi nokuceya.

. . . mu kutasanganisigwa a lusyomo kuli mbabo abo baka limvwa.

59 Ba kaabona maleele aa Musa. Ba kati, “Eco ncibotu kapatii.” Elyo bakalanduka. Ba, ba kamubona kacita maleele. Elyo ba kaubona Musumpululu wa Mulilo, ndiza, na baka bamvwa ka Ba lyaamba. “Oh, oko kuli kabotu.”

60 Pele lya kasanganisigwa a lusyomo lwabuntu. Nkambo mbo bakasikila buyo mu nkanda, ba (umwi aumwi) katalika kung’untauka. Alimwi Leza wakati, “Nkaambo baka zumbauzya, cakali cibi.” Muta zumbauzyai cintu. Amusyome. Muta zumbauzyi, takukwe makani obo mbokali kaambo kayumu, amu Ci syome.

61 Lino ba katalika kung’untauka, nkabela Leza wakaba gusya. Alimwi mpawo Wa kakonkezya, mu bukali Bwakwe, kuti, “Taba kanjili mu Kulyookezya Kwakwe.” Alimwi Bbaibbele lya kati awa, Ndila syoma Kuli mu i—i chipati ca 3, kuti, “Mitunta yabo yakawida mu nkanda.”

62 I chipati ca 3 a kampango ka 17.

Pele kuli mbabo wa ka bijilwa kwa myaka ili makumi one? Sa tii kwakali kuli mbabo ba kabisya, abo bala mitunta yakawida mu nkanda?

63 Elyo boonse babo bakazwa mu Egepita, bobilo luzutu mbakanjila mu nyika ya cisyomezyo. Kuzwa ku zambangulwe mbolizulwa, mu mazuba akainda, kwakali bantu bali lusele bakafutulwa, kuzwa mu mabbilioni. “Mugwagwa mupati nje nzila nkabela kazila kanini kapatide, nkabela mbace bayo kajana.”

64 Bantu bammwi balati, “Mpawo, Mukwesu Branham, ino kujatikizya zyonse zyuulu ezi Bbaibbele mbo lyaamba kuti ayo bonekela okuya?”

Amuyeeye buyo na mbangaye bakafwa mu nzyalani aimwi, bakali Banakristo, muciiindi ca bukkalo. Bayo buka bonse. Abo bapanga Mubili. Mulangila kuya kuba mabbilioni amyaanda mu America eyi, kuyoyutuka, na bamwi bambi, mu inyika eyi sunu. Kwayanda kutakabi bali makumi osanwe baya kuyutuka. Pele Mbungano mpati yaka bbadelelwa ili lede mu bulongo, kailindila. Balo ni ngale zya Leza zilyookezya mu bulongo. Pele myuuya yabo ili kungsi lya cipaililo ca Leza. Tabali mu ziimo zyabo ziluleme. Bali mu mubili, ncobeni, pele theofani. Elyo boompolweda Leza, “Ciindi cilamfu buti?” Ba kali kukonzya kubonana, pele teeba kakonzya kusukana maanza, oyo musyobo wa wubili.

65 Uya kuswaana banyoko mu Bulemu sunumasiku, ikuti na wayandika kuunka, toka konzyi kusukana janza lyabo nkaambo taba jisi oyo musyobo wa janza. To kakonzyi kulimvwa mbuli mbonga walimvwa lino. Nkaambo, magano osanwe nga kabikkwa mu mubili oyu, konzya kuendelezya. I busyu bwakwe inga bwa mvwigwa mu bube bwandeene.

66 Oko kuli mbuli mulumi a mukaintu. Takukabi ku kwata, na kupegwa mu kukwatwa, ku Julu. Nkaambonzi? Nkaambo kuli luyandisyo lwa musyobo wiindene. Takukwe kuyanda kwankwela. Zyonse zintu ezyo zyakaloba. Wa kasalazigwa a kunjoloma.

Pele tamu kaponi mu ciimo eco, nkikaako tee mwaka lengelwa ciimo eco. Mu lindila buyo alya. Pele musukamina kujokela oko nkomwa kalengelwa kuba mwaaalumi a mwanakazi, alimwi okuya Leza uyo ubusya mubili oyo kuzwa mu bulongo bwa nyika a kupa bulemu. Mpawo muya kubona, kulabila, kununkizya a kumvwa, a kunjilana. Ta tukazibi. . .

Ta tuka konzyi kubotelwa buumi bwa Baangelo. Tii twa kalengwa kuba Baangelo. Leza wakalenga Baangelo. Pele Wa kamulenga a Ndime, kuba baalumi a banakazi. Eco nce ciimo ncotuya kubamo, kwalyonse, ku Kuboola Kwakwe kulelekedwe.

67 Lino amubone mbo baka lezya, nkaambo baka bisya a kulela ku bulemu. Leza waka batondezya Musumpululu wa Mulilo. Wa kaba tondezya zitondezyo a zigambo. Wa kabalolela kuzwa. Wa kabaleta mu sunko, kusola kubatondezya.

68 Lino, sa tii mwaka jisi masunko manji? Muta tongauki kujatikizya ngawo. Amusekelele. Leza ula ndinywe. Walo usola kutondezya lusyomo lwanu. Amulange Jobu mu Cizuminano Cakale, cindi Na kati, “Sa wamuyeeya mulanda Wangu Jobu, muntu ululeme, muntu ulondokede? Takukwe naba omwe uli mbuli nguwe aa nyika.”

69 “Oh,” wa kati, “masimpe, Wa kamu yakilila: ta jisi mapenzi, ta cijisi kulibilika kumwi. Ta jisi mikuli yamali imwi, zintuzyonse zili kabotu. Ta kajisi kuciswa kumwi, kucisa kumwi. Muleke ndimu jate. Njo mubamba Ku kusinganya, ku meso Ako.”

70 Wa kati, “Uli mu maanza ako, pele uta toli buumi bwakwe.”

71 Oh! Wa kacita zintuzyonse pele kutola buumi bwakwe, pele ta kakonzya kuzunganya Jobu. Jobu wakalizi kuti wa kaimikila kumaninina aa Ijwi. Mbo mbubo. Elyo madaimona onse awa mu gehena taka konzya kumu zunganya, nkambo wa kalizi kuti wa katuula cituuzyo eco. Wa kali luleme. Elyo ba kamutamikizya, bakati, “Wa kabisya, Jobu, nkabela Leza ulimu kusubula nduwe.” Wa kaziba kuti Leza taka. . .kuti ta kabisya kumbele lya Leza. Wa kalizi kuti wa kali mululami. Kutali nkaambo kakuti wa kali muntu uli kabotu, pele nkaambo wa kazumina cipaizyo cakuumpa mucibaka cakwe.

⁷² Elyo, sunumasiku, tu lizi kuti buumi bwakwe bwaka tondezya kuti wa kali mululami. Elyo cindi wa . . . Kutali kusola kuya ku muunzi ku Bulemu nkaambo usola kugwasya simukobo nyokwe; oko kuli kabotu. Kutali kaambo kakuti usangana mbungano; oko kuli kabotu. Pele wiinka ku muunzi mu Bulemu nkaambo waka zumina bululami bwa Jesu Kristo, taakwe ncoka cita lwako.

⁷³ Lino, mbuli mbo tuzumanana kubala.

Nkambo kuli ndiswe makanimabotu aka kambaukwa, . . . (kampango ka 2) . . . mbuli kuli mbabo: pele ijwi lya kakambaukwa kuli mbabo tii lyaka bagwasya, mu kutasanganisigwa a lusyomo muli mbabo abo baka limvwa.

Lusyomo tii lwakali muli mbabo abo baka limvwa Ijwi.

⁷⁴ Amuyeeye buyo, mu mulimo, muniini mubombe oyo Mwami ngwa kandipa, kweelede kuba bana America bali mamiloini ali makumi one bafutukide, sunumasiku. Sa mulizi nco baamba? “Baa, nkukwabana kwa miyeeyo. Ngu sikubala miyeeyo. Taakwe zintu zili obo! Baa, ta zulilwi ku mbungano yesu.” Mwabona? Ta li . . . takukwe makani kunji kubikka Ijwi a kutondezya kuti ndi Ijwi lya Leza, ncisyomezyo ca Leza, kunji sayaansi mboi konzya kutondezya kuti Ndya bwini, tabana konzya kusyoma. I Bbaibbele lyakati taba konzyi.

⁷⁵ Kati, “Mpawo cigwasya nzi kukambauka Ngawo?” Leza weelede kuba a bumboni, ku kubapa mulandu, ku Buzuba abuya. I Ijwi lya kakambaukwa a kutondezegwa akati kabo, nkabela bacili tantamuka cakutaziba. Taakwe cisyeede cita lubeta. Leza taka konzya kululamika—konzya kululama kubeteka cisi citakuti caka jisi luse kacitana kuba a lubeta. Ngu Leza. Ta kakonzya kucicita.

⁷⁶ Lino ino twaamba nzi?

Nkambo swebo ba . . . kasyoma aswe twa kanjila mu kulyookezya kwakwe, mbuli mbwa kati, Mbuli Mbwe kakonkezya mu bukali bwangu, ikuti baya kunjila mu kulyookezya kwangu: nekubaboobo milimo yaka manizigwa kuzwa ku malengelo aa inyika.

Nkambo wa kaamba mu busena bumwi aa—aa buzuba bwaciloba mu nzila eyi, . . .

⁷⁷ Lino, Ta ndiyandi kucisa kulimvwa kwa bantu, kulwisya bukombi bwabo. Obo tabuli bukanze bwangu. Kumasena akubelekela, Ndi kambauka buyo zyavangeli, lyalyonse pati, njiisyo zya mbaakani. Pele mu cikombelo, akati ka bana bangu okuno, Ndi limvwa kuti Ndi jisi nguzu zya kukambauka eco Nce yeeya kuti ni Njiisyo a Bwini. Mwabona? Ndi yeeya kuti eco cili luleme.

78 Lino, Ndi jisi zyuulu zya beenzuma babotu bana Sabata, bantu abo ba Seventh-day Adventisti. Bamwi beenzuma bayandwa Mbe jisi, bamwi babo mba Seventh-day Adventisti.

Nekubakuti, nkamu mapati ya, itegwa, i—i *Jwi lya Businsimi*, bala ndikazya canguzu. Ba kaamba kuti Ndi bamba kaambo mu cikambaukilo, a kuti, “Nda kali Leza. Alimwi kuti—kuti oyu Mumuni waka tobela Angelo, nkabela Nda kali Leza. Elyo Nda kasika ku inyika kuzo cita zintu zipati, kutondezya bantu kuti Nda kali Leza.” Lino, obo mbo bakaamba ba *Jwi lya Businsimi* kujatikizya ndime, omuya mu California. Elyo kufumbwa waka mwaambila obo, nywebo mulizi, wakaamba cintucimwi, tii cakali boobo.

79 Pele mu kutalika, kutali kubweza muyeeyo ulwana mbungano ya Seventh-day Adventisti na kufumbwa imbi mbungano yabana Sabata, pele biyo ku kaambo ka Makanimabotu. Tula selemuka, mu maminiti masyoonto, ali Pentekoste, ayalo. Inzya. Nconzyo. Ali Baptisti, tula selemuka ali ceeco akutondezya kuti Leza ta jisi kusala ku kabungwe kali konse. Mbo mbubo. Walo usala biyo mugame. Alimwi Ta beleki a kabungwe kali konse, Ta nacidide alimwi Ta kaciti, kweendelana ku Ijwi Lyakwe. Pele Ula beleka a bagame mu kabungwe akamwi. Iiyi, balo mbagame Leza mbabeleka abo.

80 Lino amuswiilile eci kabotu loko, alimwi kuti na lyonse, kufumbwa ciindi, oyo mubuzyo wakusola kuboola kuli ndinywe, uya kubambwa. Lino, akube kuti Mwami atu gwasye.

81 Lino, kabotu loko, “Nkambo . . .” I kampango ka 4.

Nkambo wa kaamba mu busena bumwi bwa buzuba bwaciloba mu nzila eyi, . . .

82 Lino amulangilile. Walo ukanana makani a sabata. Mbangaye bazi kuti bbala *s-a-b-a-t-a* muli He- . . . ndibbala lya Cihebrayo lyaamba “k-u-l-y-o-o-k-e-z-y-a”? Mbangaye bazi kuti, mu Chikuwa? Masimpe. Sena *sabata* talimvwisiyisi kuba bbala lyeenzu? Li lacita.

83 Sena *kusalazya* talili mvwisiyisi kuba bbala lyeenzu? *Kusalazya* ndibbala lya Cigriki. *Kusalazya* caamba “kubambwa kusalala.” Cihebrayo, lyaamba, “kubamba kusalala.” Cigriki, lyaamba, “kusalazya.” Chikuwa, caamba “kubambwa kusumbula.”

84 *Sabata* yaamba, “buzuba bwa kulyookezya.” Obo sabata yakaindi mboya kabede, buzuba bwa kulyookezya. Cindi mwabona *kulyookezya*, lyaamba “sabata.” Amu kalilange mu malembo anu mataanzi, ikuti na mwacitika kuba a Bbaibbele lya Cigriki, akubona na bbala . . . Ikuti na muli jisi Bbaibbele lya Scofield, amulange mu kubala kwanu kwa mu magini “kulyookezya” a kubona na tali mujosyi ku *sabata*. *Sabata* yaamba “kulyookezya.” Mbo mbubo.

85 Lino amulangilile.

Nkikaako atu yoowe, kulesya, cisyomezyo caka siilwa ndiswe mu njila mu sabata yakwe, kulyookezya, . . .

86 Lino, bantu banji babamba mazuba, mbuli kubamba buzuba bwa sabata mu *Mujibelo*. Bamwi babamba bwa *Munsondo* kuba mutuni, buzuba bwakukomba. Elyo ku luzyalo lwa Leza, alimwi ku Ijwi lya Leza, Leza andi gwasye sunumasiku, Nda konzya kumu tondezya kuti nyonse muli lubide. Onse mukombi wa Munsondo a sikubamba sabata. Bonse bali lubide kumaninina kweendelana ku Ijwi. Alimwi nekuba, ndi Ijwi ndo tweeleda kuunka alyo, kutali eco ba Adventisti nco baamba, na kutali eco muna Protestanti ncaamba, na muna Katolika ncaamba. Nceeco Bbaibbele nco lyaamba.

87 Lino, lino amulangilile.

Nkambo wa kaamba mu busena bumwi aa buzuba bwaciloba mu nzila eyi, . . .

Lino tula bikka cintucimwi *mbuli* ceeci, a kwiita ceeci—ceeci kuti, “Kulyookezya kwa Leza,” buzuba bwaciloba.

88 Lino amulangilile. “Alimwi Leza . . .” Amuswiilile ku Lugwalo olu lino.

. . . Leza waka lyookezya aa buzuba bwaciloba kuzwa ku mulimo wakwe oonse.

Leza waka jisi Sabata, alimwi boobo buzuba bwaciloba bwakali kulampa myaka ili cuulu comwe, cikozyano ca Mileniamu.

Nkambo wa kaamba . . . zya buzuba bwaciloba mu nzila eyi, Elyo Leza waka lyookezya . . . kuzwa ku mulimo wakwe—wakwe oonse.

Ibbala lyaamba muntu omwe, “Yoonse milimo *Yakwe*.” Wa kalyookezya aa buzuba bwaciloba. Oyo ngu Leza.

Elyo mu busena obu (kunsi lya mulao), Ikuti na baya kunjila mukulyookezya kwangu.

89 Leza waka lyookezya, kunyama, nkambo Wa kalenga majulu a nyika mu mazuba ali cisambomwe, elyo aa buzuba bwaciloba Wa kalyookezya kuzwa ku mulimo Wakwe oonse. Wa kalyookezya kwa myaka ili cuulu comwe. Nkambo Bbaibbele lya kaamba, kuti, “Buzuba bomwe aa nyika ncuulu ca myaka ku Julu; cuulu ca myaka ku Julu; mbuzuba bomwe aa nyika.” Mbangaye bazi kuti Lugwalo lwaamba obo muli Petro Wabili? [Mbunga yaamba, “Ameni.”—Mul.] Yaa. “Leza waka lyookezya aa buzuba bwaciloba. Alimwi Wa kaamba mu nzila eyi aa busena bumwi.”

90 Lino amu swiilile kabotu.

*Nkambo wakaamba mu busena bumwi aa buzuba
bwaciloba mu nzila eyi, Elyo Leza waka lyookezya . . .
kuzwa ku milimo yakwe yoonse.*

*Elyo mu busena obu alubo, (i mulao), Ikuti na baya
kunjila mukulyookezya kwangu.*

Wa kapa ba Juda, mu lweendo lwabo kuzwa ku nyika ya cisyomezyo, na kuzwa mu Egepita kuya mu nyika ya cisyomezyo, sabata ya buzuba bwaciloba.

⁹¹ Lino amuswiilile.

*Nkikaako mukubona kuti kwaka syaalila bamwi
kunjila muli mbubo, alimwi kuli mbabo abo baka
saanguna kukambaukilwa . . .*

I kulyookezya! Leza waka bapa mulao, nkabela sabata wakali mulazyo wane.

. . . bata kanjila mukati nkaambo ka kutasyoma: . . .

⁹² Lino amulangilile. Walo ukanana makani a mulao, nzila mbo bakanjila, tiwa kasangene a lusyomo. Tiiba kaubamba. Ba kabamba sabata mu ciibalusyo, kuti bakali kuya ku nyika ya sabata, kuyooba a kulyookezya kuteeli kuzwa ku mapenzi abo oonse a kulibilika kwabo konse, takucikwe basikubelesya, takucikwe masiku aakupumuna. Ba kali mu nzila yabo kuya ku nyika ya cisyomezyo ca kulyookezya. Yakali kukunka mukupa a buci. I magirepu akali mapati loko cakuti baalumi bobilo baka kulika cikama comwe a ziwezo zyabo. Oh, ino ni nyika ya kulyookezya kulelekedwe! Pele baakakilwa kwiitola nibakasika okuya, nkaambo ka kutasyooma kwabo. Ba katantamukila ambali, kwa mamaile biyo akali makumi one kuzwa awo mpo bakasiila Egepita, kuya ku nyika ya cisyomezyo. Alimwi baka jisi myaka ili makumi ali one kusika okuya, nkaambo ka kutasyoma kwabo. Leza kabapa musinsimi wabo, waka mupa citondezyo Cakwe, wakabapa Musumpululu wa Mulilo, katondezya zitondezyo a zigambyo, aku bakambaukila Manimabotu. Alimwi bakeenda kuzwa, kutobela inswi a zinkwa, akuwida mu nkanda. “Elyo mitunta yabo yakaloba mu nkanda.”

⁹³ Jesu, ku kasensa, Wa kaamba.

Kati, “Bamatata bakalya mana mu nkanda, kwa myaka ili makumi one.”

⁹⁴ Wa kati, “NDIME eco Cinkwa ca Buumi cizwa kwa Leza kuzwa ku Julu. NDIME Cinkwa ca Buumi. Musa taka mupa eco Cinkwa. Taata Wangu wakapa eco Cinkwa. Elyo NDIME Cinkwa cizwa kwa Leza kuzwa ku Julu. Ikuti na muntu wacilya Eci, ta kafwi.” Ndoolo lwandaano.

⁹⁵ Lino amulangilile. Ba kati Wa . . . “Ba kanywa kuzwa ku Mwaala oyo wakali mu nkanda, kwa mwaakwe wa myaka *minji obo.*”

96 Wa kati “NDIME oyo Mwaala.” Lilelekwe Zina Lyakwe Lisalala! “NDIME oyo Mwaala.”

Mbobuti Mbwa kakonzya kuba oyo Mwaala? Oyo Mwaala wakali Mwaala wa kumuuya. Wa katobela bana ba Israyeli. Elyo Musa waka jisi kasamu mu janza lyakwe, oyo wakali musako wa lubeta lwa Leza. Elyo Leza waka mwaambila kuuma Mwaala, nkabela wa kauma Mwaala. Elyo cindi na kacita, meenda akazwa ku Mwaala. Elyo Kristo wakali oyo Mwaala, nkabela lubeta lwa Leza ilwa cisubulo ca zibi lwakauma aa Nguwe. “Leza wakacitya milandu yesu tonse kubikkwa ali Nguwe,” nkabela eyo milandu yaka bbotola moyo Wakwe. Elyo kuzwa ku moyo Wakwe kwaka poomoka Muuya Uusalala, mbuli milonga ya maanzi, ku bantu, bali mukuloba akufwa.

“NDIME oyo Mwaala wakali mu nkanda.”

“Baa,” wa kati, “Yebo upandulula kwaamba . . .”

97 Wa kati, “Musa, oyo waka mwaambila obo, wa kayandisya kubona buzuba Bwangu. Alimwi wa kabubona mu cibeela.”

98 Wa kati, “Lino, Yebo upandulula ku twaambila kuti Uli mupati kwinda Musa na? Cakuti Wa kamubona Musa na? Alimwi Musa ulifwide kwa myaka ili myaanda ya lusele.” kati, “Lino twa ziba kuti Yebo ujisi daimona,” mu majwi ambi, ulinyongene. “Twa ziba kuli Yebo ulinyongene.”

99 Wa kati, “Katana kuba Abrahamu, NDIME. Nda kali NDIME I MUPATI wakali mu citeo yaka mulilo. Ndime oyo Mulilo wakali mu citeo ciyaka. Ndime oyo Angelo wakainka kumbele lyabo.” Elyo Wa kati, “Nda kazwa kwa Leza, nkabela Ndi jokela kuli Leza.” Elyo Wa kazwida kuli Leza, wakaba mu mubili wabuntu akukkala akati kesu; wakajokela kuli oyo nguwenya Musumpululu wa Mulilo.

Elyo Ngooyu mpali, sunumasiku, kumane myaka ili zyuulu zyuubilo, “mbobuca nguwenya, sunu, amuya myaaka,” kacita cintu nciconya, kasololela bana Bakwe balelekedwe.

100 Alimwi banji bali mukuboola...mukati nkaambo ka kutasyoma. Lino, wa kati, “Wa kabamba buzuba,” buzuba cindi Leza nakamanizya mulimo Wakwe. Mpawo, “Wa kabamba ‘buzuba bumbi,’ nkabela mu nzila eyi, kutegwa ba kamvwe, ikuti na bayo boola, abo babamba masabata, kuyabuya kwiinda mu myeezi mipya a zimwi zimbi.” Mpaawo bakwesu ba Adventisti mpo basola kumu josya.

101 Lino atu zumanane kubala. Amubone.

Nkikaako mukubona . . .kuti bamwi beelede kunjila muli nkuko, alimwi balo baka kambaukilwa lutaanzi tiiba kunjila nkaambo ka kutasyoma.

102 Lino, kampango ka 7. Oh, ma! Nda amba, Lugwalo lulinanikidwe munzila ya mathamatikisi. Nda amba, Lugwalo

luli, alimwi mu nzila yonse, nanikidwe. I mathamatikisi ya Bbaibbele lilondokede.

¹⁰³ Sena mwakabona kuti eyi United States nja mweelwe wa theetiini mu zintuzyonse nzoi cita? Sa mulizi kuti yakayakwa a makkoloni ali thetiini? Sa mulizi kuti ndembela yaka jisi nyenyeezi zili thetiini lutaanzi? Sa mulizi kuti zintuzyonse United States nzoi cita mu mweelwe wa thetiini? Sena mwakalizi kuti ilalibonya mu Bbaibbele mu Ciyubunuzyo 13? Ilacita ncobeni. I munyama muniini, kabelele kakayutuka kuzwa mu maanzi, kutali manji a makamu manji aa bantu, . . . kutali kuzwa mu maanzi, pele kuzwa mu nyika, oko kutakwe muntu. Kaka jisi meja obilo maniini: inguzu zya buleya a bupaizi. Elyo wa kali kabelele: lwaanguluko lwa bukombi. Elyo kwiinde kaindi, ba kainka antoomwe, nkabela wa kaambaula mbuli simwaaba, a ku kutauka zyonse nguzu ezyo Rome nzoya kacita kumbele lyakwe. Eco ciboolela cisi cesu. Amu cilembe eco. Amulangilile Kuvwaana kwa Mabungano a Katolika kuswaangana antoomwe, a kulangilila eco cicitika.

¹⁰⁴ Bantu batobela Musumpululu wa Mulilo baya kuba acindi ciyumu, pele bano libambilide kale kukutolwa kujulu ku ciindi eco, mbo mbubo, kulibambila buyo kuunka. “Nkambo Kabelele wakaba zunda,” kaamba Bbaibbele, “a baabo ba Mu tobela, nkaambo bakali kwitwa kuti basalidwe a basyomeka, Basale ba Leza.” Kutantamuka kuzwa mukunjila eco cisinsimi lino, kutegwa tu konzye kuzuza ali ceeci.

¹⁰⁵ Amuswiilile kabotu, chipati ca 7, i. . . Nda amba chipati ca 4, kampango ka 7. Ciloba mweelwe wa kumaninizya. Thrii mweelwe wa Buumi. Ciloba mweelwe wa kumaninizya, alimwi upa sabata imaninide.

“Alimwi alubo,” amuyeeye, wa kaamba, “Leza,” mu nzila eyi. Mpawo wa kaamba zya “mulao,” muli eyi nzila. Alimwi mpawo, alubo, “Wa kabamba buzuba,” buzuba bwatatu, ciindi catatu.

Alubo, wa kabamba buzuba, buzuba bumwi, kwaamba muli Davida, Sunu, necakaba ciindi cilamfu loko; . . . Sunu, necakaba ciindi cilamfu loko; mbuli mbo kwaambidwe, Sunu ikuti na mwa mvwa jwi lyakwe, muta yumyi moyo wanu. (Amulangilile.)

. . . ikuti na Jesu waka bapa kulyookezya (ii sabata), . . . kuti kumane boobo nata kaamba zya buzuba bumbi.

I kucinca kwa mabanze a Jesu Kristo: kuzwa ku mulao kuyaku luzyalo, kuzwa ku milimo kuyaku luzyalo, kuzwa ku cintucimwi nco kacita kuli ceeco Leza nca kacita, aa bweelelo bwako na aa bweelelo Bwakwe. Aka cinca.

¹⁰⁶ Cindi Musa nakazwa mu nkanda, a mulao, wa kati, “Muta kaciti mamambi. Muta kabbi. Muta kajayi. Amu kabambe buzuba bwa sabata kuti kabusalala.” Cindi Jesu nakazwa mu

nkanda...Cindi Musa nakasika, dyabulosi waka musunka. Mpawo dyabulosi mbwa kaamu sunkila buyo, wa ka ciswiilila. Musa waka jisi kabeela kakompeme. Mbangaye bazi mbo kakabede? Bukali. Mpawo mbwa kaba bonena buyo kabakomba moombe wa ngolide, wa kawaalila ansi milao a kwiipwayaula, kutondezya kuti bupaizi bwakali kuyo pwayaulwa. Elyo Leza wakaipa kuli nguwe alubo.

¹⁰⁷ Pele cindi Jesu nakazwa mu nkanda, mazuba ali makumi one a kuliimya kulya, Wa kafwide nzala, kabeela luzutu kakompeme Nka kajisi. Alimwi dyabulosi waka Mu sikila akuti, “Ikuti na Uli Mwana wa Leza, sandula mabwe aya abe cinkwa. Kocita maleele awa. Andi ku Bone koacita, nkabela Ndila Ku syoma.”

¹⁰⁸ Jesu wakati, “Kulilembedwe, ‘Muntu taka poneni ku cinkwa cilikke, pele ku Ijwi lyonse lizwa mu mulomo wa Leza.’” Wa kaziba kuti ta kaswaana Musa alya, nkambo Wa kaunka ku Ijwi.

¹⁰⁹ Waka Mu tola atala ansoje, tempele, kati, “Ikuti na Uli Mwana wa Leza, koli waalansi Lwako.” Elyo *wakavumbilila*, kutali kubalulula, pele wakavumbilila Lugwalo. Kati, “Kuli lembedwe, ‘Uya kulailila Baangelo, kujatikizya, kulesya ciindi cimwi kuti Uli cise cituta Cako ku bbwe. Uyo Ku nyampula.’”

¹¹⁰ Elyo Jesu wakaunka kugama Ijwi, aku mutapatila.

¹¹¹ Waka Mu tola atala lya mulundu a ku Mu tondezya United States a Germany a Switzerland, a onse masi aa inyika, akaliko lyoonse, kati, “Nga angu oonse. Ndila cita angawo kufumbwa Nce yanda.” Ta cigambyi tu jisi lumamba a mapenzi. Kati, “Nda cita angawo. . .” Ta cigambyi banakazi basama. . . a kuta subulwa kuli ncico, kwinda ku mulao. Onse endelezegwa a dyabulosi. Nce ncico Bbaibbele ncolya kaamba. Saatani wakati, “Nga angu ayo. Ndila cita angawo kufumbwa Nce yanda.” Kati, “Ikuti na Wa ndi komba, Njo Ku bamba kuba mwaami mbuli Ndime.”

¹¹² Jesu wakati, “Kuli lembedwe, ‘Ka kombe biyo Mwami Leza wako, ngoya kubelekela.’ Koya kusule Lyangu, Saatani.”

Nkaambonzi? Jesu wakalizi kuti Uya kuba sikukona kuli ngawo muli eyi Mileniamu mpati, cindi Bwami Bwakwe bwaa kuboola. “Luyando Lwako lucitwa aa nyika mbubonya mboluli ku Julu.” Taku cinookwe zigonkolole ziya kusamwa. Taku cinookwe kunywa. Taku cinookwe cisusi. Taku cinookwe mamambi. Taku cinookwe lufu. Taku cinookwe buusu. Uya kuba sikukona ku masi onse. Alo nga Akwe. Mbo mbubo. Alo nga Akwe, alimwi Uya kuba sikukona. Pele Saatani uli ajisi kwa mwaakwe wa cindi, nkokuti sunu, mo tupona.

¹¹³ “Pele Wa kabamba buzuba, kaamba kuti, ‘Sunu, necakaba ciindi cilamfu loko.’ Elyo wakati, ‘Muta yumyi moyo wanu.’”

Nkambo ikuti na Jesu naka bapa kulyookezya, . . . nata kaamba kumane zya buzuba bumbi.

114 Mukwesu wangu muna Adventisti, langa ali Ceeco. Paulo awa, wakaamba. Elyo Pauo wakati, mu Bagalatia 1:8, ikuti na mula lemba magwalo, Bagalatia 1:8, “Ikuti na Angelo wazwa ku Julu a kukambauka makani ambi ali onse kunze lya Aya Nge kakambauka, abe mutuke.” Paulo wakati, “Ikuti Jesu naka bapa buzuba bwa Kulyookezya. . .”

115 Amulange, cindi Na kaseluka kuzwa aa mulundu. Wa kaseluka mpawo. Wa kamu zunda dyabulosi. Wa kali nanikidwe, kale ku mulimo Wakwe. Wa kati, “Mwa kabamvwa ka baamba, balo bakaindi kuti, ‘Muta kajayi,’ pele Nda mwaambila kuti kufumbwa oyo unyemena munyina, kakutakwe kaambo, wa jaya kale. Mwa kabamvwa ka baamba, balo bakaindi kuti,” obu buzuba, basikubamba sabata. “Mwa kabamvwa ka baamba, kaindi mpawo, kungsi lya mulao, ‘Muta kaciti mamambi; kwa keelede kuba mu mucito, kuba amulandu.’ Pele Nda mwaambila, kuti kufumbwa oyo uulanga mwanakazi caku musukama wacita kale bumambi a nguwe mu moyo wakwe.” Lwandaano! Kaindilila ncobeni ku mulao wane. Pele sa Wa kabapa Kulyookezya?

116 Atu bone eco nca kamba. “Davida wakati, ‘Kwaakwinda ciindi cilamfu loko, kuya kusika Kulyookezya kulondokede.’” Leza waka lyoukezya kuzwa ku milimo Yakwe, aa buzuba bwaciloba. Leza waka longezya buzuba bwa sabata, aku bupa kuba Juda mu nkanda, mu nzila eyi. Ba kanjila. . . mukati nkaambo ka kutasyoma, nkaambo Ijwi tiilya kasanganisigwa a lusyomo. “Alimwi alubo, Wa kasala buzuba bumwi, kaamba muli Davida, ‘Necakaba cindi cilamfu loko.’”

Myaanda ya myaka Davida kafwide kale, Mwana wa Davida kuti uya kubuka, uli ngu Jesu, “Alimwi ikuti na muya kumvwa Jwi Lyangu, muta kayumyi moyo wanu.” Leza uyo kanana ku moyo.

117 Lino amulangilile, kampango ka 9 lino, ku kubala kwanu. “Jesu kuti uya kubapa kulyookezya,” kampango ka 8, “Uya ku. . . kaamba buzuba bumbi.”

118 Ikuti na kwa keelede kuba sabata, ikuti na kuyooaba kubamba bwa Munsondo, nkokuti Na kabwaamba. Ikuti Na kaamba, “Lino taku cikwe sabata, takucikwe kubamba buzuba bwaciloba, obo Mbwe yanda kuti mubambe bwa Munsondo,” Na ka bwaamba. Paulo wakati Wa kacita. Na kaamba kuti, “Nyoonse kamuno komba Munsondo. Oko kuyooaba kulyookezya.” Ee, ikuti Na kayanda kuti kababamba sabata, Na kaamba kuti, “Kamu cibamba buzuba bwaciloba. Pele lino Ndi yanda kuti kamubamba bwa Munsondo, buzuba bwalusele.” Peepe. Ta ka bwaamba.

119 Wa kati, “Ikuti na Jesu naka bapa buzuba, Na takaamba mbubo?”

120 Lino kampango ka 9. Amuli bambile.

Nkikaako kuciliko kulyookezya ku bantu ba Leza, ii kubamba sabata ku bantu ba Leza.

Nkambo oyo wa njila muli kwakwe (kwa Kristo) kulyookezya, awalo wa leka milimo yakwe mwini, mbuli Leza mbwa kacita kuli yakwe, aa sabata.

¹²¹ Mwa cibona? Lino atu bweze Lugwalo a kugwasilizya ceeci. Yaa. Cindi Leza nakapanga inyika mu mazuba ali cisambomwe, Wa kalyookezya aa buzuba bwaciloba, nkabela taka beleka limbi. Lilelekwe Zina lya Mwami. Wa kaiyaka inyika, kabikka bulenge ali njiyo, akuyo lyookezya; nkabela taka jokela alubo, kuyaka inyika alubo. Wa kaimanizya milimo, akuyo lyookezya. Lino, aa . . . Mpawo, kumane eyo myaka ili cuulu, mpawo cibi caka njila; mpawo Kristo waka iminina, Kabelele kakaiminina. Lino, ba Juda baka pegwa oku mbuli cikozyano ca Kulyookezya kwa buzuba bwaciloba.

Lino, wa kasala buzuba bumbi, kaamba muli Davida, . . . necakaba ciindi cilamfu loko, nkooko kulyookezya kumbi kuboola.

¹²² Lino niinzi Kulyookezya oko? Amu jule andime kuli Matayo, chipati ca 11, a cibeela camamanino ica chipati ca 11 ica Musalali Matayo. Nce cindi Jesu naka manizya nkambauko Yakwe aa cilundu, alimwi mula bona eco Nca kaamba.

¹²³ Wa kati, “Kufumbwa oyo uulanga mwanakazi, cakumu sukama, wacita kale mamambi anguwe mu moyo wakwe. Kufumbwa oyo unyemena munyina, kakutakwe kaambo, wamujaya munyina.” Zyonse zintu ezi, alimwi Ta kauguma mulao wane, eyo sabata.

¹²⁴ Lino Uli mukumanizya. Elyo Sabata yalo Ncisyomezyo ca Leza cipati. Kwalo Nkulyookezya. Lino, lino amulangilile awa, cindi Na kamanizya kugolela mu makani abalelekedwe. Awa Walo ulati, kampango ka 27 ika chipati ca 11 ica Musalali Matayo. Oko, Wa kali kuyiisya makani a balelekedwe mu chipati ca 5.

Zyonse zintu zyaabwa mu janza lyangu, kuli ndime kuzwa kuli Taata: nkabela taakwe muntu uumuzi Mwana, cita Taata; . . .

Mwabona, to konzyi kuziba umwi kakutakwe kuziba umbi, nkaambo Wa kali Taata wakayubululwa mu mubili wabuntu.

. . . kwiina muntu umwi uumuzi Taata, citabuyo Mwana, . . .

¹²⁵ Kulibonya mbuli kuti bantu inga bacibona Eco akuta kazya. Nincobeni. Leza tali Bantu botatwe. Ikuti na kuli Baleza botatwe, nkokuti tuli bahedeni. Nguli umwi Leza? Bali, boonse botatwe, Leza omwe, milimo yotatwe ya Leza nguwenya. Wa kali Taata, mu ciimo ca Muuya Uusalala, muli oyo Musumpululu wa Mulilo mu nkanda. Wa kali Mwana, cindi

Na kabelesya mulimo Wabwana. “Ii kaindi kaniini nkabela inyika tii kandi boni limbi; Njo zwa. Njo boola alubo akuba andinywe, nomuba muli ndinywe, kusika kumamanino a inyika.” Mwabona? Walo ngu Ciimocataata, Ciimocamwana, a Muuya Uusalala, awalo. Kwalo konse ngu Leza nguonya omwe kabeleka mu milimo yotatwe yandeene: Ciimocataata, Ciimocamwana, Muuya Uusalala. Tana. . .

Johane Mutaanzi 5:7 wakati, “Kuli zyotatwe zipa bulunguluzi ku Julu: Taata, Mwana, Muuya Uusalala. Abo botatwe bali Bomwe.”

¹²⁶ Tomaso wakati kuli Nguwe, “Mwami, tutondezye Taata.” Kuyo mukkutya.

¹²⁷ Wa kati, “Nda kali anduwe kwa ciindi cilamfu, nkabela to Ndi zyi na?” Kati, “Cindi wa Ndi bona, wa mubona Taata. Elyo nkaambonzi wati, ‘Tu tondezye Taata?’”

¹²⁸ Lino, ba Bumwi baka cibweza, nkamu ya bantu ba bumwi, akusola kubamba Taata, Mwana, a Muuya Uusalala, mulimo omwe biyo a busena bomwe, alimwi mbuli kanwe kako, komwe. Ta kuluzi. Leza taka konzya. . . Jesu taka konzya kuba wisi Lwakwe Mwini. Ikuti na Wa kali obo, nkokuti Wa kali ii. . . Ee, mbobuti Mbwa kalino konzya kuba wisi Lwakwe Mwini?

¹²⁹ Elyo ikuti na Leza muntu, upambukide ku Muuya Uusalala, Wa kajisi mawisi obilo. Nkambo Bbaibbele lya kaamba, kuti, “I Muuya Uusalala wakavunikila Mariya nkabela waa kamita.” Elyo Bbaibbele lyakati, muli Matayo 1:18, kuteeti, “eco cintu cimitidwe muli nguwe nca Muuya Uusalala.” Mpawo nguuli wisi Wakwe, Muuya Uusalala na Leza? Bobilo, Muuya omwe, nape Wa kajisi kuzyalwa kwa musokwe kwindi ku myuuya yobilo.

Ako nkayanza kabuzumini bwa Katolika, alimwi tii kwakali kuyiisya kwamu Bbaibbele. Martin Luther waka cileta, a kunji kumbi kwa Bunakatolika buli mu mbungano ya Lutherani. Wesley waka zumanana kutobela ncico. Elyo iciya buya, pele mbulubizi. Ta buli Bwini. Ta kunabede, ta kunabede kuba Njiisyo yamu Bbaibbele. Ta unabede mulao mu Bbaibbele, kuyiisya Baleza botatwe.

Kuli Leza omwe. Jesu wakati, “Koswiilila yebo, O Israyeli, Ndime Mwami Leza wako, Leza omwe,” kutali Baleza botatwe.

¹³⁰ Mu Africa bala bbizya lomwe lwa Taata, lomwe lwa Mwana, a lomwe lwa Muuya Uusalala. Elyo mpawo mu Juda mucete wavuuluka, kwaamba, “Nguni umwi wabo uli ngu Leza wanu? Nguni umwi, Taata, Mwana, na Muuya Uusalala?” Bali, botatwe boonse, Omwe. I Bbaibbele lyakati bakali Bomwe.

¹³¹ Jesu wakali mu ng’anda eyo Leza mwaka kkalilamo. I Bbaibbele lya kaamba kuti—kuti, Timoteo Mutaanzi 3:16, “Kakutakwe *kukazyanya*,” (eyo ni, “nkazyanyo”) “mapati maseseke aa bunaleza. Nkambo Leza waka yubululwa mu

mubili wabuntu, wakabonwa aa Baangelo, katambulwa aa . . . kakambaukwa, kasyomwa, a kutambulwa kujulu mu Bulemu.” Leza wakaba. I Bbaibbele lyakati, “Zina Lyakwe liyo tegwa *Emanueli*, lili kubupanduluzi lyaambakuti, ‘Leza ula ndiswe.’” I Bbaibbele lya kaamba, kuti, “Jesu, muli Nguwe mwaka kkala buzule bwa Buleza camubili.”

¹³² Mbuli mbo twa kaujisi busiku bumwi: Leza, ku matalikilo, wakali Muuya. Elyo mpawo, kuzwa kuli Leza, kwakayutuka Logosi, a theofani, eco cakali ciimo ca muntu, wakategwa Mwana wa Leza, mukutondezegwa kakutanaba. Wa kasika mu nyika, mu mubili wa buntu, akwalo Ka tana kusika muli Jesu Kristo. Lino cimene eco cimwi lomwe, mukwesu. Njo citondezya kuli nduwe.

¹³³ Cindi, cindi Musa naka Mu bona. Wa kati, “Atu bone ciwa Cako, Mwami.” Elyo Leza wakalisisa kuli nguwe mu mwaala. Elyo cindi Na kainda ambali, wa kati, “Cakali cibeela ca sule lya muntu.” Eyo yakali Theofani eyo. Mbombubo ncobeni.

Mpawo, eyo Theofani taka cita kuba mu mubili wabuntu. Taakwe Muntu umbi, pele Muntu nguonya wakaba mu mubili wabuntu, kuti kagusya lumoola lwa lufu.

Mbuli nzuki cindi ya luma, isiya lumoola. Alimwi ta kasiya eyo . . . Ta kakonzya kubikka lumoola mu mubili wabuntu nkaambo cakali cibi. Pele, mukwesu, cindi nakaluma oyo mubili wa Emanueli, wakasweekelwa lumoola lwakwe. Iiyi, munene. Ula konzya kumvwiima pele ta cijisi lumoola lumbi.

¹³⁴ Ta cigambyi, Paulo, cindi niba kali kuyo gonka mutwe wakwe, kati, “O lufu, luli kuli lumoola lwako? Inga wanzwiima a kung’ung’una kunji mbuli mbo yanda. Cuumbwe, kulaali kuzunda kwako? Pele alumbwe Leza uutupa kuzunda kwinda muli Jesu Kristo.” Mpaawo we.

Caka tola Leza Mwini kucita ceeco. Wa kasika kuyubululwa mu mubili wabuntu. Wa kajokela mu Muuya.

¹³⁵ Nywebo mwati, “Mukwesu Branham, tona ku twaambila, pe, cindi Leza nakaba mu mubili wabuntu Ka taninga kuboala muli Kristo.”

Cindi Abrahamu naka kkede kungsi lya tente lyakwe, buzuba bumwi, mpaawo kwakasika Baangelo bobilo a Leza, kabatozya kuli nguwe, mu mubili wabuntu. Ba kajisi lusuko aa zisani zyabo alimwi bakali katede, nkabela baka kkala. Elyo Abrahamu wakazwa a kubweza moombe kuzwa ku ng’ombe, a kumu jaya. Elyo waka jika zituli zya kabelele. Kaunka akubweza . . . kacitya Sarah kubamba busu bwa mapopwe a kubu seba, akubamba zibunge zitakwe bumena. Elyo kabweza bbata kuzwa ku ng’ombe, a kubweza maanzi aamukupa. Elyo wa kaatola alya a kwaabikka, elyo Leza waka cilya.

136 Aleluya! Nke kaambo, “Lusyomo lwangu lulanga kuli Nduwe, Yebo Kabelele wa Kalivari.”

137 Sa muyeeya kuti eco ncintu cipati kuli Leza? Leza, Oyo wakalenga yoonse potashi a kkaushiamu, a zintuzyonse mu inyika, Wa kaseluka ansi kuzoswaya Abrahamu. Wa kati, “Sa muyeeya kuti Njo cisisa kuzwa kuli nduwe, mukubona kuti uli swaana wa inyika?” Ameni. “Nse kacisisa kuzwa kuli nduwe.” Leza wakabweza buyo ii . . .

138 Twa kapangwa kuzwa ku tuntu tuli kkumi acisambomwe. Wa kabweza buyo potashi, a kkaushiamu imwi, petroliamu imwi, mumuni wa kkozimiki, i “Fyuu!” “Konjila omu, Gabriyeli,” mu mubili!

139 “Fyuu!” “Konjila omu, Wuuduwemu.” Wa kanjila mukati.

Baangelo bobilo, bazwa ku Julu!

140 Leza watambikizya a kunokola akkwana mu janza, “Fyuu,” kanjila muli nguwo, Mwini. Wakaseluka ansi, nkabela wakafwide nzala. Lilelekwe . . . Ino kujatikizya ceeco, bakwesu ba Adventisiti abo batalyi nyama? Tula cinjila eco, kwainda kaindi. Leza Singuzuzyonse, Jehova, amuka lingule na eelyo Zina ndyoonya tii lya kasandululwa kwaamba Umwi nguonya ku citeo ciyaka! Aleluya!

Elyo cindi Na kaimikila aa nyika, Wa kati, “Katanakuba Abrahamu, NDIME, Umwi nguonya wakali ku citeo ciyaka.” Mbo mbubo, Elohimu, amubone na tali nguwenya. Wa kali Nguwe wakali ku citeo ciyaka.

141 Wa kali Nguwe okuno mu busyu bwa Abrahamu, mu mubili wabuntu, wakalya nyama ya moombe, a kunywa mukupa uuzwa ku ng’ombe, a kulya bbata wakazilidwe aa zibunge zitakwe bumena. Lilelekwe Zina Lisalala lya Leza! Wakaselemuka eeni alya a kuti, “Nse koozwa . . .”

Elyo Wa kafutete sule Lyakwe. Wa kati, “Abrahamu, Njo muswaya, nkabela muyo zyala mwana oyo. Ula myaka ili mwaanda lino yakukomena, Sarah ujisi makumi ali fuka.” Elyo Sarah, mu tente, wakoonzomoka, “Haa!” wakaseka. Wa kati, “Ncinzi capa Sarah kuseka?” Kunze Lyakwe; tente akati kabo.

142 Abrahamu wakati, “Sarah, nkaambonzi waseka?”

143 “Peepe, Nse cita.”

144 Kati, “Iiyi, wa cita.” Ino musyoobo nzi oyu wa kukwabana kwa miyeeyo? Ino musyobo nzi oyo wakali wakubala mizeezo?

Ula cita mbubonya asunu. Ngu Jehova jire, Jehova rafa, mbobuca nguwenya, sunu, amuya myaaka. Ta kakilwi.

145 Amu Mu lange. Ngooyo Uli imvwi. Wakayutuka ncobeni akwaambaula kuli Abrahamu; nkabela wakazimaana, ku meso akwe. Elyo Abrahamu sikale mupati wakati wa “kaambaula busyu ku busyu a Leza, Elohimu,” Leza nguonya. Mwa cimvwa?

Kutali Bantu botatwe, mukwesu. Milimo yotatwe ya Muntu nguonya!

¹⁴⁶ Ku matakililo wakali mbubonya, Wa kali oyo Muuya mulemu, Kasensa oko kuli bukasimpe boonse, luyandisyo lonse, luumuno lonse. Zintuzyonse zyakali kunjoloma zyakali mu Kasensa aka. Wa katalika kubumba mubili, theofani, musyobo wa mubili ngo tuunkila. Kutali mubili wakapegwa bulemu pe, pele mubili wamungelo, mbuli; ujisi ciwa, ciimo.

¹⁴⁷ Ciindi conse Nda bona samu, Ndila yeeya, “Eelyo samu ncimvule. Kuli lini kubusena bumwi.” Eelyo samu lyaka pangwa kuzwa ku cintucimwi. Bupampu bwaka cipanga. Elyo konse eyi nyika ncoicita nkutondezya Zyakujulu. I Bbaibbele lyakaamba obo. Elyo ikuti na kuli samu awa lyeedele kuloba, kuli limwi mu Bulemu lita kalobi.

¹⁴⁸ Ikuti na Nda bona muntu, Nda bona banabukwetene baniini babotu, mwaalumi a mukaintu wakwe, kabeenda kuselemuka kagwagwa, tulungu twakumyoyo antoomwe, ino citondezya nzi? Lilelekwe Zina lya Mwami! Kuli umwi ku Julu uuta kalobi. “Ikuti na eci cilao caansi camwaika, tuli jisi cimbi cilindila kale, theofani.”

¹⁴⁹ Mpawo mwaba a trinititi: Muuya mulemu, kuukkala mu Mwana, Jesu; Jesu kakkala mu Mbungano. “Ku buzuba obuya, muyo ziba kuti Ndili muli Taata, Taata muli Ndime, a Ndime muli ndinywe.” [Kabeela katakwecintu aa teepu—Mul.] Konse obo Leza mbwakabede, Wa kakutula muli Jesu; konse obo Jesu mbwakabede, Wa kakutula mu Mbungano. Mpaawo we. “Mebo muli Taata, Taata muli Ndime; Mebo muli ndinywe, a nywebo muli Ndime.” Ngooyo i—ngooyo Mubili.

¹⁵⁰ Eelyo ndepenzi ku mbungano. Ba kayiisya njiisyo ya balindu yakaindi, niini yakaindi, ikompeme ku musyobo umwi, kuya bweendauka a kuba zisusulo zya misinza a maparti aanjuka. Ta cigambyi nco tu jisi cikama ca lupyopyongano. Ta tuyandikani mabambe aa bana a zilalilo zisyoono zya misinza. Cintu nco tuyandikana Makanimabotu akaindi agalankene, a baalumi balusyomo kaba jisi mapanga kalengelela okuya, a kuzundikizya. Cintu nco tuyandikana sunu, kutali lwiiyo lwabukombi lwabuyo a lwiiyo lumwi lwabukombi lwakabambwa aabantu lwakapanga kakamu kalisalulula. Tu yandikana Makanimabotu agalankene kaakambaukwa mu Mumuni a Nguzu a luyubunuko lwa Muuya Uusalala.

¹⁵¹ Amulange awa lino.

Mbuli mbwa kaamba, wa kabamba buzuba *bumbi*,
kaamba muli Davida, . . .

. . . *ikuti Jesu na kabapa kulyookezya*, . . . *na ka* . . .
kaamba zya buzuba bumbi.

Pele nko *kucili* . . . *kulyookezya ku bantu ba Leza*.

Nkambo oyo wa kanjila mu kulyookezya kwakwe, . . . waka leka milimo yakwe mwini, mbuli Leza mbwa kacita kuzwa kuli yakwe.

152 Lino mpaali mpo tuya kubala? Matayo, makumi obilo- . . . I chipati ca 11, kampango ka 27.

Zyonse zintu ezyo i Taata nzyakaaba kuli ndime, zya kaabwa kuli ndime kwinda kuli Taata, mubwini: nkabela taakwe muntu uumuzi Mwana, cita Taata; (Yaa.) taakwe muntu naba omwe uumuzi Taata, cita Mwana, alimwi kuli oyo kufumbwa Mwana ngwaya kumu yubunwida.

153 Mwabona, takuli kunji nkoiya, akunji oko i—i bbishopu nkwayanda kuti muzibe. Nkooko kunji Leza nkwayanda kuti muzibe. Ikuti na tamu konzyi kubona eci Ciyubunuzyo, muta kabuzyi bbishopu. Amukabuzye Leza. Muta kabuzyi mweembeli wanu. Amukabuzye Leza. “I Mwana ula Mu yubununa,” *Walo*, bbala lya muntu mugame.

154 Amuswiilile. Eci cila mugambya. Ngooyu mulao. Paulo wakati, “Ikuti Na kaba siila buzuba bumbi, Na ka baambila mbubo.” Pele nceeci Nca kaamba.

Amuboole kuli ndime, nyoonse nomu beleka a kulemenwa mikuli, nkabela Njo mupa sabata, kulyookezya.

Amu kulike jokwe ali ndinywe, nkabela mwiiye ndime; nkamyo Ndili mubombe amutete ku moyo: nkabela muyo jana sabata ku myuuya yanu.

Nkambo jokwe lyangu ndyuuba, nkabela mikuli yangu ayalo myuuba.

155 Amulangilile eco Paulo nca kaamba.

. . . ikuti na Jesu na ka bapa kulyookezya, . . . na taka amba zya buzuba bumbi.

Pele wa kabamba ii . . . buzuba, kaamba muli Davida, . . . kwaakumana cindi cilamfu loko; . . . cindi mwa kumvwa jwi lyangu, muta kayumyi moyo wanu.

“Elyo nko kucili . . .” Amuswiilile lino, kampango ka 9.

Nkikaako nko kucili kulyookezya, ii sabata, ku bantu ba Leza.

Nkambo walo, i mwaalumi na mwanakazi, oyo wa kanjila mu kulyookezya kwakwe. . .

“Amuboole kuli Ndime, nyonse nomu katede a kulemenwa mikuli. Njo mupa kulyookezya.”

. . . wa kaleka kuzwa yakwe . . . milimo, mbuli Leza mbwa kacita kuzwa kuli yakwe.

¹⁵⁶ Kwayanda wakali myaka ili makumi obilo yakukomena. Kwayanda wakali myaka ili makumi otatwe yakukomena. Kwayanda wakali myaka ili makumi osanwe yakukomena. Pele ciindi wakumvwa Jwi lya Leza kali konkomona ku moyo wako, uta kauyumyi. Mpawo njila . . . “Oyo uumva Majwi Angu, akusyoma Oyo waka Ndi tuma, uli jisi Buumi, Buteeli Butamani, nkabela taka booli mu kubetekwa pele wakazwa ku lufu kuya ku Buumi.”

¹⁵⁷ “Kwaamba, Mukwesu Branham, cindi cicitika?” Yebo ujisi Muuya Uusalala. Kristo waboola muli nduwe. Sa mbo mbubo?

¹⁵⁸ Amu vunune andime kuli Isaya, chipati ca 28, nkabela atu bale. Isaya, chipati ca 28, tu bona eco musinsimi nca kaamba kujatikizya ncico. Matayo . . . 28, kutalikila a kampango ka 8. Nceeci ciimo cabuyumuyumu ku mazuba akumamanino. Twe elede kujala mu kaindi kaniini.

Nkambo onse matafule a yooba, alo azwide malusi alimwi . . . takukwe busena busalala.

¹⁵⁹ Andi ime aniini. Mbuli Ernie mbwa kaamba busiku bwainda, wa kali kwaambaula ku muntuumwi. Ernie Fandler, oyu mukwesu awa uuzwa ku Switzerland, wa kati, “Nda imikila akucilekela kumvugwa.”

¹⁶⁰ Ndi yanda ceeci kuti cinjile mu mizeezo.

. . . takukwe busena busalala.

Nkambo onse i matafule a yooba azwide malusi . . .

Alimwi mbuli mubwa mbwa inka ku malusi akwe . . . alimwi a nkutula . . . ku ntimba yakwe, mbubonya mbo bacita bantu bajokela.

¹⁶¹ Ino ndipenzi nzi kuli ndinywe noba Methodisti? Mwa ka luujisi Mumuni. Ncinzi cakacitika? Leza waka Ugusya kuzwa ku janza lyanu, Wa ka Upa ba Nazareni.

Ncinzi cakacitika kuli ndinywe noba Nazareni? Mwa kajisi Mumuni lomwe. Leza waka Ugusya kuzwa ku maanza anu a Kuupa bana Pentekoste. Nconzyo. Nywebo noba mbungano ya Leza anobamwi bantu ba busalali, nkaambo mwaka ukaka Mumuni, mwaka libunganya nobeni a kuti, “Ta tuka syomi cili conse cimbi kwiinda *ceeci*,” Leza wakazumana ncobeni abusena aku mutondezya kuti Wa kajisi bantu abo bakalino Mu tobela.

¹⁶² Ino ncinzi cakacitika kuli ndinywe noba Pentekoste? Mwa ka luujisi Mumuni. Leza waka Ugusya kuzwa kuli ndinywe.

I Musumpululu wa Mulilo ulazumanana. Ciindi conse Musumpululu wa Mulilo weenda, Mbungano yakeenda a Nguwo.

Elyo cindi Luther nakabunganya, kuzwa mu mbungano ya Katolika, mbungano yakwe, Musumpululu wa Mulilo wakeenda nkabela Wesley wakeenda a Nguwo.

Wesley wakabunganya, nkabela Musumpululu wa Mulilo wakeenda nkabela ba Nazareni bakeenda a Nguwo.

Iba Nazareni bakabunganya, nkabela mbungano ya Leza yakeenda a Nguwo; akuteeti tiiba kali kabungwe, pele bakali obo.

¹⁶³ Mpawo ncinzi cakacitika? I cintu cakatobela kucitika, ba Pentekoste bakaubona Mulilo, nkabela mbaabo bakaunka. Elyo ncinzi nco mwakacita? Kapanga njiisyo ya myaambo, a kwiibunganya, “Muntuonse wakacita kukanana mu myaambo kataninga kutambula Muuya Uusalala,” mpawo Leza wakazwa mpoonya awo a ku musiya awo mpo mubede.

¹⁶⁴ Ncinzi cakacitika kuli ndinywe noba Bumwi? Mwa kajana lubbizyo, mu Zina Iya Jesu. Mwa kapanga njiisyo kuzwa kuli ndulo, akulipambula nobeni kuzwa kuli zimwi Zyawo, nkabela Leza wakazwa mpoonya awo a ku musiya kamu kkede awo. Nconzyo.

¹⁶⁵ Ncinzi cakacitika kuli ndinywe noba Assemblisi ya Leza, General Council yakaindi? Mwa kapanga kabunga kuzwa kuli yanu, nkabela Leza wakazwa mpoonya awo a ku musiya kamukkede. Elyo lino tamuli cintu cita cikama ca batontola, basitulengwa mbuli bamwi babo mbo babede.

Elyo Musumpululu wa Mulilo uyabuya. Aleluya!

. . . onse matafule azwide malusi. . .

¹⁶⁶ Amulange Mulalilo wa Mwami. Baa, bala nokuba. . . Nda kali ku busena oko nkobalya cinkwa cakaindi. Alimwi cinkwa ceelede kubambwa a cinkwa citakwe bumena. Elyo ba kavozya basizibi, basikufweba tombwe, basibwaamu, kufumbwa kuti mazina abo akali mu bbuku.

¹⁶⁷ A nywebo noba Baptisti akwalo muuita kuti mulalilo “utali wabonse.” Lino, nywebo noba Baptisti mula kokoleka aniini, Leza uyo munyanzya mweembo. Mbo mbubo ncobeni, tamu kakonzyi kwiilizya. Mulalilo “utali wabonse” mula lipambula lwanu, kuboneka kusalala maningi kwindi mbo mubede.

Amuyeeeye, eci neikombelo ca Baptisti. Nce neico ncomu jana, mula bunganya nobeni. “Oh,” nywebo mwati, “ta tuli kabunga.” Iiyi, muli obo. Nincobeni, uli obo. Nywebo mwati, “Tuli luswaanano.” Inzya, kuli aumwi kuboora ku mulyango a kuyiisya nzila buyo njo ciyiisya, kuli kabotu. Pele, umwi, tamu—tamu kamutandi, pele muyo mutanda kuzwa ku bunyina bwanu. Mbo mbubo ncobeni. Oh, mu jisi nzila ya kucicita. Mbubonya Leza uli jisi nzila ya kucicita. Pele Mbungano ya Leza iya kuzumanana kweenda. I Musumpululu wa Mulilo tau kaimini ceeco.

. . . onse matafule azwide malusi. . .

168 Lino amuswiilile. Lino eci cila mugambya aniini buyo. Amuswiilile. Ndila libala Ijwi. Wa kali ni oyu? I musinsimi, Isaya.

. . . *onse matafule azwide malusi*. . . aboobo *taakwe* cintu *cisalala*, buyo mubwa kalya mubwa.

169 Boola ku mbungano: banakazi kabatenda, kugela masusu abo, kusama zigonkolole, kuzwa a kubona baalumi kaba selemuka kagwagwa; kutenda bwizu mu lubuwa, basimbi baniini bayanda kumvwa muntumwi kubapa oyo mubwa uuzuunyene wamutwe mupati na kusiba kwa umpe, kufumbwa mbo cibede, nywebo mulizi, “Whiti-fyuu!” Oh, uyeeya kuti uli mubotu ukwelelezya, ula cita?

170 Elyo nywebo nobaalumi mula selemuka kagwagwa a mundundu mu mulomo wanu, alimwi daikona mu boodi. Yebo uboneka mbuli musune wakagusigwa meja muna Texas. Elyo uyeeya kuti uli muntuumwi. Mbo mbubo ncobeni. Ta cigambyi onse matafule. . . Kweenda kumbele a kulya mulalilo, akulilemeka mbuli muntuumwi, nkabela kucenga a kubba a kubeja, mvwiki yonse. Ndipenzi nzi kuli ndinywe?

. . . *onse matafule azwide malusi*. . .

171 “Oh, Ndila cilya Cilalilo ca Mwami. Masimpe, tula ucita mu mbungano yesu. Jesu wakati Uya kubuka ku mazuba akumamanino ikuti na tukalye Cilalilo ca Mwami.”

172 Pele, “Oyo uulya a kunywa caku teelela, ulalya a kunywa cakulibeteka kuli lwakwe, kuta tweluka Mubili wa Mwami. Nkambo ka ceeci banji bala ciswa a kukompama akati kanu, a banji balafwa,” mabungano, akaindi, afwide atulengwa. I Muuya wa Leza wakazwa kuli ndinywe. I Musumpululu wa Mulilo tau ciko pe. Mula kukaka kuponesegwa kwa Buleza. Mula bukaka bubuke.

173 “Oh,” mu lati, “oh, Wa kabuka kuzwa ku bafu, munzila yakainda.” Ee, ino kujatikizya Nguwe mukuba nguwenya sunu, ikuti na Wa kabuka kuzwa ku bafu? Mu lati, “Oh, eco tacili obo.” Lino, mpaawo we. Mu jisi bubuke mu nzila njo muyanda alimwi Leza uli kujisi mu nzila Nja buyanda.

174 Pele, cintu ca ncico, Bbaibbele lyakati, eco nco tuzyi Mbwini, kuti Uya kusimpikizya Ijwi. “Alimwi ezi zintu Nze cita muyo zicita mbubonya. Elyo Njo oba andinywe lyoonse, kusikila ku mamano aa inyika.” “Jesu Kristo mbubuca nguwenya, sunu, amuya myaaka.” Nce ncico Ijwi ncolya kaamba.

175 Lino niinzi sabata?

. . . *onse matafule azwide malusi*. . . *taakwe* lyomwe *lisalala*.

Nguni *ngwaya kuyiisya luzibo?*

Kutali luzibo lwanyika; luzibo lwa kumuuya!

*Nguni ngwaya kuyiisya luzibo? . . . ngwani Ngwaya
kubamba . . . kumvwisya njiisyo?*

176 “Oh, alelekwe Leza, kabunga kesu taka syomi Ceeci. Tiiba kakatila a Ceeco.” . . . ndaba eco kabunga ncoka syoma. Eco Ijwi lya Leza nco lyaamba kujatikizya ncico na? “Oh, ee, beembezi besu, nywebo mulizi, bali yiide.” Oh, masimpe. Nincobeni, bajisi lwiiyo lunji kapati, cakuti bakamusiya Leza kuzwa kuli ncico. Nconzyo, nkambo inga wabaambila Ijwi nkabela baya kweenda konse a kuti, “Ee, Nse Li syomi munzila eyo.” Oh, yebo ocintu cikompeme! Andi kwaambile.

177 Langisye awa.

*. . . nguni ngwaya kuyu . . . bunwida njiisyo? balo
bakalesegwa kuzwa ku nkolo, alimwi . . . balo abo
bakalesegwa kuzwa ku mukupa nkabela bala gwisigwa
kuzwa ku nkolo.*

178 I buzuba bumwi, simukoboma wakasika. Wa kati, “Billy, mweembeli umwi omuno mu dolopo, muntu mubotu loko muniini ngo kasola kubona . . .” Kati, “Mukaintu a Ndime twa kali kkede katu samide mapajama, kutandila akati kamasiku, nkabela oyo mweembeli muniini waka zuzila mukati nkabela wa—wa—wa kanywa kkofi a ndiswe nkabela wa kapola kuya kuya ku ng’anda ya simukobo umbi, nkabela wa kasukana maanza ambabo. Bali kuuma cisobano ciniini ca njuka, nkabela wa kakkala a kusobana njuka ambabo.” Kati, “Oh, wa kali mulombwana muniini wakali kunjilana kabotu abuleya ngo kasola kubona.” Kati, “Oh, tula muyanda. Ta tuka mugwisyi kakutakwe kaambo.”

179 Nda kaimikila alya aniini, Nda kayeeya, “Ee?”

180 Kati, “Oh, sena toyeeyi kuti mbungano aimwi iyandikana muntu mbuli oyo?” Huh! Nse kakonzya kuvwiila eco. Wa kati, “Mu busena bumwi buniini,” kati, “ba kajisi busena bubotu. Oyu mukutausi a mukaintu wakwe, bantu babotu, bakaunka akuyo beleka a bana kapati kusikila ba kaba ii—ii cikolo ca Bbaibbele.” Elyo wakati, “Ba kajisi kunji loko, cintu buyo cakafusuka a bana baniini.” Kati, “Ma, ula konzya kwaambila bana misyobo yoonse ya twaano ku bana baniini.”

181 Nda kati, “Eco ncibotu. Eco ncibotu loko.”

182 Nda kajoka. Nda kazwaa kusika kuzwa ku Canada. Nda kayeeya, “Mpaawa Mpeli. Ma! Bantu . . . Ino ndipenzi nzi kuli ndime? Nse ciciti eco.” Nda kainka kuyo sanzya mootokala wangu. Nda kayeeya, “Leza, Ndiya bucembaala, nkabela mpaawa Mpeli. Nda kalwana. Nda kalila. Nda kakombelezya. Alimwi cintu cili conse Nce jana nkusanka kupati.”

183 Cintu cili conse, lekela muntuumwi kwaamba cintucimwi cibi cijatikizya nduwe, “Oh, mubumbulusi uusalala wakaindi,” cintucimwi mbuli eco.

¹⁸⁴ Nda kayeeya kujatikizya ceeco. Elyo Jwi lyaka ndisikila, kati, “Balo baalumi bali kabotu ikuti na bacicita eco, pele Nse kawiihila kucita ceeco. Nda kakwiitila kubweza Panga akwiima alya mbuli Joshua a kuzundikizya, mukwesu. Kutali kulicenga a nkamu zimwi zyakaindi na kabunga kamwi ka mbungano, pele kuzundikizya dyabulosi. Koimikila kunembo, bamba ciluleme ku lulama, a cilubide kulubila. Kambauka Ijwi a kubona abo bajisi lusyomo lwaku Li syoma. Koli bikka alya.”

¹⁸⁵ Nda katalika kulundusya mootokala oyo, ciindi consse, kusanzya. Nda kati, “Ndaku lumba, Mwami. Ndaku lumba, Mwami.” Kalimvwa kabotu mpawo. “Kuli kabotu, Mwami, Njo lijatilila maningi, alimwi Ndi yanda kufwa a Ndilyo mu janza lyangu.”

. . .nguni Ngwe konzya *kuyu* bunwida *njiisyo?*
(Amuswiilile.)

. . .*matafula azwide malusi*. . .

. . .*abo balesegwa kuzwa ku mukupa, a kugusigwa ku nkolo.*

Lino amulangilile.

Nkambo mulao mbuli oyo atala—atala lya mulao, mulao atala lya mulao; . . .kabala atala a kabala; awa kuniini, alimwi alya kuniini:

Nkambo a milomo imamauka a myaambo imbi Njo kananina bantu aba.

Kuli nguwe kwalo kwa kaambwa kuti, Eyi nje sabata muli njyio muyo citya bakatede kulyookezya; . . . oku nko kukatalukwa: nekubaboobo tiiba kamvwa.

Nkambo ijwi lya MWAMI lya kasika kuli mbabo (Muntuumwi waka Li kambauka.) mulao atala lya mulao, . . .atalalya mulao; kabala atala lya kabala, . . . atala lya kabala; kuniini awa, a kuniini alya; kutegwa inga baunka, a kuwa cibundaasule, a kutyoka, a kucegwa, a kutolwa.

¹⁸⁶ Niinzi Kulyookezya? Ino Kulyookezya kwakasika lili? Cindi bantu niba kaamba a myaambo imbi nkabela baka jisi milomo imamauka. Milomo imamauka; taakwe nco bakaamba. Ba mamauka. Ndelili eco nicakacitika? Aa Buzuba bwa Pentekoste, cindi Muuya Uusalala niwa kasika. Oko Nkulyookezya: Muuya Uusalala. Jesu wakati, “Amuboole kuli Ndime, nyoonse nomukatede a kulemenwa mikuli, nkabela Njo mupa Kulyookezya. Njo mupa Buumi, Buumi Butamani,” Zoe, Buumi bwa Leza mwini. Leza uyo boola muli nduwe akuba cibeela ca nduwe. Uyo kupa kuzyalwa akukubamba kuba mwana musankwa a musimbi.

¹⁸⁷ Lino amulangilile. Oko kwakali kulyookezya kwatatu Nkwa kapa. I kutaanzi: Leza waka kutambula, kuzwa ku mulimo

Wakwe. Kwabili: Israyeli yaka kutambula, mu mulao. Kwatatu: Mbungano yaka Ku tambula, mbuli cibeela ca Leza.

188 Thrii mweelwe wa buumi. Mbangaye bazi obo? [Mbunga yaamba, “Ameni.”—Mul.] Ciindi conse wabona thrii, mbuumi. Amubone, cindi Leza nakalenga nyika, buzuba bwatatu kwakali buumi. Mbangaye bazi obo? [“Ameni.”] I buzuba bwatatu. Mpaawo kwakasika buumi aa buzuba bwatatu bwa bulenge.

I triniti: Taata wakali atala lya bantu, mu Musumpululu wa Mulilo; Mwana wakali Muntu, Oyo wakaambaula ku bantu a kubacitya kulibambila; Muuya Uusalala yakali ntaamo yatatu, uli wakali Muuya Uusalala, Leza mu bantu. Buumi! Taata, Mwana . . .

I kulyookezya, kwa Leza; kulyookezya, kwa Israyeli; alimwi Kulyookezya, kwa Mbungano, kubamba sabata.

189 Aboobo, ikuti na tona tambula Muuya Uusalala, nekuba, tona njila mu Kulyookezya kwa Leza. To elede kwaamba kuti, “Oh, Nse konzyi. Ndi yanda kufweba. Nse—Nse konzyi buya kucicita; Ndili Munakristo. Nse yandi ncobeni kunywa, pele Ndili Munakristo. Nse konzyi buya, tandi yandi kunywa, pele nekuba Nda kuyanda.”

190 Ikuti na ula cisusi ca banakazi, ikuti na ula cita zyonse ezi zintu zitali zyaibunaleza, tona cuuma eco ciindi ca Kulyookezya. Tona kunjila mu Kulyookezya kwako.

191 Alimwi cindi wanjila mu Kulyookezya oku, ula leka milimo yako yanyika, mbuli Leza mbwa kacita kuzwa kuli Yakwe. Nkaambonzi? Uli cibeela ca Leza. Ula lyookezya, Cabutamani. Mpaawo we. Eyo nje Sabata. “Amuboole kuli Ndime, nyoonse nomu katede.”

Sunu, wa kabamba buzuba bumwi, . . . kumane ciindi cilamfu loko, muli Davida; . . . cindi mwa mwawa jwi lyakwe, muta yumyi myoyo yanu.

192 Ijwi buyo na obilo ambi awa lino, tula jala.

Nkambo walo wa ka njila mu kulyookezya kwa Kristo, . . .

Amuboole kuli ndime, nyonse nywebo nomu katede . . . minwa mikuli . . .

. . . mwa ka leka kuzwa ku milimo yanu, mbuli Leza mbwa kacita kuzwa kuli Yakwe, aa buzuba bwaciloba.

Antela yako yakali ku mwaka wa butheeti, mwaka wa bufoote, mwaka wa bufifite, kufumbwa mbubede. Wa kaleka kuzwa ku milimo yako, mbuli Leza mbwa kacita kuzwa kuli Yakwe, Cabutamani. To ciyandi limbi zintu zya inyika. I inyika ili fwide kuli nduwe.

193 Lino, kampango ka 11 lino, kabotu loko.

Nkikaako atu belekele kunjila mu kulyookezya oko, (kutali oku kumwi, kutali oku kumwi, pele Oku kumwi), kulesya kuti umwi muntu akawe mbuli mukozyanyo nguonya wa kutasyoma.

194 Ino ncinzi? I Musumpululu wa Mulilo mpouli awa. I Angelo wa Mwami ula ndiswe. Uli mukucita zintu nzyoonya Nzya kaamba kuti Uyo cita. Elyo bantu bala lifumpula konse, akuti, “Oh, ee, Ndi yeeyela kuti Uli kabotu. Oyo mubotu loko. Oh, Ndi yeeyela kuli Uli luzi.” Kocenjela kuti uta widi mu koonze nkoonya ka kutasyoma. Ko Ubweza a moyo wako onse.

195 Langilila.

Nkambo ijwi lya Leza (kutali njiisyo ya mbungano), i ijwi lya Leza lila buumi, anguzu zinji, . . . lilabosya kwiinda i panga lya mabemba obilo, (amuswiilile), liyasa amwalo . . . i kwandaanya kwa i buntu, i muuya, . . . i maswaanino a i mumpolyo, a . . . (amuswiilile), a sikutweluka wa miyeeyo a makanze aa moyo.

Cakali cinzi eco? I Muuya Uusalala inga wasika akwaamba kuti, “Wa kacita cintu cili *boobu-boobu*. Alimwi wa kacita *ceeci* akucita *ceeco*. Yebo ujisi musyobo *oyu* wa bulwazi, a *ceeco*. Ikuti na ula cilulamika *eci*, ula cicitu *eco*.” Mwabona? Sikutweluka wa miyeeyo.

196 Elyo bantu balati, “Ncinzi eco? Baa, nku kwabana kwamiyeeyo. Baa, nku . . . Walo musondi.” Mwabona Nce pandulula? Ni inyika mbyaabi, yakaindi yabumambi eyo itamuzi Leza.

197 “Lila buumi, simiyeeyo, anguzu zinji kwiinda panga lya mabemba obilo, a sikutwela wa miyeeyo a makanze aa moyo.”

Lino, ino ncinzi eco ciziba makanze aa moyo? Leza. Mwa ti, “Ee, Bbaibbele lyakati, ‘I Ijwi lya Leza.’” I Ijwi lya Leza ngu Leza.

Kumatalikilo kwakali Ijwi, . . . i Ijwi lyakali antoomwe a Leza, alimwi Ijwi wakali Leza.

Elyo Ijwi lyakaba mu mubili wabantu, a kukkala aakati kesu, . . .

198 Leza ula tweluka miyeeyo. Abrahamu waka futete sule lyakwe, elyo—elyo mbubonya Leza waka futete sule Lyakwe ku tente. Elyo Sarah wakaseka. Elyo Leza wakanyona, kati, “Ncinzi capa Sarah kuseka?” Ii Sikutweluka wa miyeeyo ya moyo! Ndi yanda eco kuti cinjile mu mizeezo aniini.

199 Mpawo cindi oyo musyobo wa mulimo waakubuka, kuteeti Leza waka syomezya ku buzuba bwamamanino, ncinzi cakacitika? “Kukwabana kwamiyeeyo.”

200 Sena tiiba kaita Mwami, Lwakwe kuti, “Beezebule”? Wa kati, “Ikuti na bakaita Simalela wa ng’anda kuti ‘Beezebule,’ kuyo inda buti mbobaya kwiita basikwiya Bakwe?”

201 Ndila muyanda. Ciinka kutondezya kuti mula bikkila maanu maningi, ta mweelede kusika ku buyake bujisi maeya kkondishina ku kuzomvwa Makanimabotu. Mula nzala maningi ya kuboola ku busena buli boobu. Leza taka tulekela kuyaka cimbi pele eci. Tula buyanda mu nzila eyi. Kaanda buyo kaniini kakaindi, pele nje nzila mbo tu buyanda. Leza ta kkali mu bweebesi. Leza ukkala mu bubombe. Tula buyanda mbuli obu. Tuli kkomene ku boola, anywebo mula cita, akwalo, ku kkala mu ii—ii busena mbuli boobu. Ta kukwe makani mbo kupya, obo mbo muzwa nkasaalo mu nsuuti zyanu zipya, madresi anu mapya, eco tacibambi lwandaano lumwi.

Mu swiilila ku Buumi Butamani, ku Ijwi lya Leza eelyo lizyi miyeeyo ya moyo wanu. I Musumpululu wa Mulilo kaulengelela atala lya bana ba Israyeli, kaulengelela awa sunumasiku. Nda konzya ku cizundikizya: takukwe muntu ukonzya kwiima awa kungsi lya nguzu zya Muuya Uusalala kakutakwe Leza ku mugwisya mpoonya aku mwaambila kuti wa kalini. Mbo mbubo. Mpaawo we.

202 Ino Nci nzi? Ino Nci nzi? Walo Muuya nguonya waka sololela Bana ba Israyeli ku kulyookezya kwabo, nkabela ba kawa nkaambo ka kutasyoma. Muta wi. Eci ncoolwe camamanino. Taata, Mwana, a Muuya Uusalala, Buumi bwakasika kwiinda omuya.

203 Kululamikwa, Martin Luther, bucili ciimo ca bukombi. Kusalazigwa... Martin Luther; John Wesley; lubbizyo lwa Muuya Uusalala, Buumi. Kululamikwa, nku syoma; kusalazigwa, nku sanzigwa; Muuya Uusalala, nku zuzya, Buumi. Kutali kwiinda mu bukkalo bwa Lutherani; ba kali Ujisi mu ciimo. Kutali kwiinda mu bukkalo bwa Wesley; ba kali Ujisi mu ciimo. Pele obu bukkalo cindi Muuya Uusalala nuuboola, Wini.

204 Elyo ikuti na tona Kuu tambula, mbobuti mbo, konzya kusyoma maleele? Eco citola Leza, muli nduwe, ku syoma. Ula cita mbuli Leza. Ula ziba mbuli Leza. Ula yeeya mbuli Leza. I Bbaibbele lya kati muli “tuleza,” tusiciiya tuniini. Jesu wakaamba boobo. Nkambo, muli cibeela ca Leza.

Mbubonya buyo Mbweli Branham muniini, alimwi uli muniini kufumbwa mbo bedede, alimwi nkaambo bazyali banu mba zina eelyo. I bupange obo mbomubede nkaambo bazyali banu bali boobo, nkaambo mwa kazyalwa kuli mbabo.

Elyo kaambo ncomu syomena Leza, alimwi ulasyoma mu maleele, a zitondezyo a zigambyo, nkaambo muli bana balombe abasimbi iba Leza. Mula tambula Buumi. Buumi busika ali bwatatu. Yaa.

205 Cindi Jesu naka tanta mulundu, konse Nkwa kainka, Wa katolelela Petro, Jakobo, a Johane, bakamboni botatwe. Thrii mweelwe wa Buumi. Mwa cimvwa? [Mbunga yaamba, “Ameni.”—Mul.] Luyando, lukondo, luumuno.

206 Lino, atu unke cakubinda lino ku mamanino aa chipati, cakubinda, mbuli mbo tubala.

*Nkambo ijwi lya Leza lila buumi, anguzu zinji...
kwinda panga lya mabemba obilo...a kutweluka
nokuba i makanze aa moyo.*

*Kunyina cilenge nociba comwe cita yubunwidwe ku
meso akwe: pele zintu zyonse zili...jukide ku meso
akwe anguwe ngo tweelede kucita.*

207 Mukwesu, takukwe kauka kauluka ikakonzya kumwesya aa cikwankwani eciya, kakutakwe Nguwe ku ciziba. “Zyonse zintu zili jukide.” Mukwesu, Walo ulizi cintu conse nco kasola kucita, muyeyo onse ngo kasola kuyeeya. Obo Mbwa bede. Tula Mu syoma mbuli boobo.

Elyo cindi Leza asika muli ndiswe, aku tubikka mu Mbungano, Ula bikka zipego a zintu mu Mbungano, ku kubesya Buntu Bwakwe. Ikuti na Leza ngooyo Leza mupatikampatila, nkokuti Ula ponya baxiswa. Ula konzya kubusya bafu. Ula konzya kusalazya basicinsenda, kubamba boofu kubona. Ula konzya kupa zilengaano. Ula konzya kucita misyobo yonse ya zintu ezi, kabeleka kwiinda mu Mbungano Yakwe, nkaambo ngu Leza muli ndinywe. Njeeyo Mbungano.

208 Ino eyo mbungano iba buti kuba Mbungano, ku Kwi isangana na? Peepe, munene. Kwinda ku kusukana maanza na? Peepe, munene. Ku lubbizyo lwa maanzi? Peepe, munene. Kwinda ku bumembala? Peepe, munene. Tu njila buti muli Njiyo? “Nkambo ku Muuya omwe tonse tula bbizigwa mu Mubili omwe.” Mpaawo we.

209 Baroma 8:1.

Nkikaako taakwe kuzulwa lino... .

“Taakwe kuzulwa kwanyika.” Taba konzyi kumutamikizya cimwi.

*Ta kukwe...kuzulwa kuli baabo bali muli Kristo Jesu,
abo bateendi mbuli basinyama, pele mbuli Muuya.*

210 Mpaawo we. Eyo nje nzila mbo mubeteka Bunakristo bwanu. Eyo nje nzila mbo munjila mu Kulyookezya oko, inyika tai cimupenzyi limbi. Nincobeni. Mula ibona, kutantamuka kuzwa kuli njiyo. Mu jisi cintucimwi cibotu loko ca kuyeeya. Mpaawo we, “Taakwe kuzulwa.” Eyo nje nzila mbo tunjila mu Mubili.

211 Elyo muli kwabilidwe, “Kwalyonse.” I Bbaibbele lya kaamba boobo. Amulange awa mu Bahebrayo, chipati ca 10. Wa kati:

Nkambo oko kuli zipaizyo zya bacende a cituuzyo, *kwiibaluka kwa cibi kacitwa mu mwaka aumwi.*

Pele oyu muntu, . . . kwiinda ku cituuzyo comwe . . .

Lilelekwe Zina Lyakwe lisalala!

Nkambo ku cituuzyo comwe wa ka londola kwa lyonse . . .

²¹² Aleluya! Kutali kwa lubukulusy o lutobela, pele *kwalyonse*. “Zintu zyakaindi zya kaloba; nkabela zintu zyonse zyaba zipya.” Twe endela mu Mumuni, Mumuni mubotu. I bayuni baimba bwandeene.

²¹³ Nkekede awa, nkelanga oyu simakoko muniini, kutandila myaka yosanwe yakainda, Nda yeeyela. Rosella, simeso mapati abilauka mbuli kampamfwa, keenda kuselemuka tugwagwa twaku Chicago, kakoledwe, kaya bulibbwayaula konse, keenda mu musyobo onse wa cibi wakaliko, kakoledwe a zintuzyonse nzya kali kukonzya kuba. Elyo busiku bumwi, Muuya Uusalala, oyo wa buumi a wanguzu zinji kwinda panga lya mabemba obilo, wakati “Omwanakazi, nduwe simakoko.” Aleluya! Ikuti na oyo tali Leza nguonya wakali kaindi okuya, oyo wakaziba Sarah wakaseka kunze Lyakwe, Ta ndizyi na Uli buti.

²¹⁴ Atala mu bbuga ku mwanakazi umbi muniini. Waa kaunka akujana, a kunjizya mukati omuya. Kati, “Uli sicitiliba wazikola.” Obo Mbwa konzya kutweluka miyeeyo ya mizeezo!

²¹⁵ Alimwi bakutausi bapati ncobeni balemekwa bavubide kaba kkede alya, abo bajisi vangeli lya inyika mboizulwa, a maanza abo kavungidwe kusule, mu ma T-sheeti, bakayeeya kuti tii twa kabazyi, mbuli mbo kali kukonzya kukkala kungsi lya muswaangano mbuli obo nkabela Leza kata konzyi kuyubununa kuti bakali bani. Kabakkede alya, kabalangide bwandeene, mbuli kuti bakali bantubamwi bambi. I Muuya Uusalala wakabaziba kuti bakali bani. Elyo baka kkala alya, mu myoyo yabo, baka Uyeeyela kuba wakukwabana kwamizeezo. Bata zyi kujatikizya Leza kwinda muna Hottentot mbwanga waziba makani amuna Egepita wamasiku. Mbo mbubo. Baka Li lizyi ku lugwalo, pele kutali ku Muuya. “I lugwalo lulajaya, pele Muuya upa Buumi.” Nce ncico. Oyo ngo muzeezo. “Lila buumi, lyanguzu zinji kwinda panga, Sikutweluka wa miyeeyo ya moyo.”

²¹⁶ Amuswiilile. Amulangilile.

Kunyina cilenge niciba comwe eco cita yubunwidwe ku meso akwe: pele zintu zyonse zili conse a kujuka kumbele lya meso akwe kuli nguwe . . . oyo ngo tweelede kucita awe.

Mukubona mpawo kuti tu jisi mupaizi mupati loko . . . (Amuswiilile lino; ku balwazi.) . . . kuti wa kainka mu majulu, Jesu Mwana wa Leza, atu jatisye kwaamba kwesu.

217 “Amu jatisye,” oko ta kwaambi kuzumanana buyo kupa bumboni. Ikuti na toponi buumi, to cija tisyi; upona cintu cakuupaupa. Uli...Uli kabotu kubusena a kwaamba kuti uli sizibi a kuluba kujatikizya ncico. Uta libandi kuba Munakristo, upona cintucimwi cimbi; uli cilebyo cipati loko inyika nciya kasola kuba aco. Ikuti na nduwe sizibi, ko kuzumina, akuyabuya, kolulama a Leza. Ikuti na uli Munakristo, jatisya ku kulyaambilila kwako, kkala alya.

218 Amulangilile ceeci lino. Ndi kunjizya ceeci katutaninga kuzwa.

Nkambo ta tujisi mupaizi mupati oyo utakonzyi kugumwa a kulimwa kwa kulangeuka kwesu; pele wa kasunkwa mu zibeela zyonse mbuli...ndiswe, nekubaboobo kakutakwe cibi.

Amuswiilile.

Nkikaako atu boole camba ku cuuno ca luzyalo, kutegwa tu konzye kujana luse, a kujana luzyalo a kugwasya mu i cindi cakubula.

Lilelekwe Zina lya Leza!

219 Amuswiilile, noba Baptisti, Presbyteria, Lutherani. Sa mula ndibuzya mubuzyo oyu, “Abrahamu wakasyoma Leza, nkabela kwa keelezegwa kuli nguwe ku bululami.” Ndi lizyi. Oko nko muunka lyoonse. Obo mbwini. “Ino nkunji buti muntu nkwakonzya kucita pele kusyoma Leza?” Mbo mbubo ncobeni. Nko konse nkwakonzya kucita. Pele cindi Leza atambula lusyomo olo, Walo ukupa Muuya Uusalala.

220 “Lino ino Ndi cite nzi, Mukwesu Branham? Sa Ndo ongolola?” Taku gwasyi. “Sena Ndi kanane mu myaambo?” Taku gwasyi. Inga waongolola a mwaamba mu myaambo, kobilo, elyo nekubaboobo kocipona mbuli ii—mbuli muhedeni, alimwi kocisukamina banakazi. Inga kocifweba a kunywa, a zintuzyonse zimbi. Nda kabona bantu kabamba mu myaambo, akuunka ncobeni akuyo cita ncito mibi kapati, ya bumpelenge Nje kasola kubona. Nda kaba bona kabaongolola, a kulila kuzwa mizosi ya ntale, alimwi ko cikonzya kubba cili conse nco jata. Nda kaba bona kabazwa, nkabela musimbi aumwi kaselemuka kagwagwa, akunyona. Uh-huh. Eco nцитondezyo comwe cibotu cakuti tona Kuu tambula. Mbo mbubo.

221 Pele, mukwesu, cindi wazwa ku lufu kuya ku Buumi, zyonse ezi zintu zilafwa, nkabela waba cilenge cipya muli Kristo Jesu. Ikuti na wabona cintucimwi cilubide, uyo cikombela, “Leza koba siluse.” Alimwi ikuti na wabona mapenzi, mucibaka ca kuunka a kulabalika zyaubuyi, nkabela usola kuciindizya kubija, uya kusola kuunka ku muntu aku cilulamika, aku citontozya cakufwambaana. Oyo ngo Muuya wa Leza muli nduwe.

222 Ikuti na walubizya na? Ule ndelezegwa kuli mbubo. Ikuti na wa lubizya, uyo cilulamika kufwambaana. “Uta lekeli zuba kubbila mu bukali bwako.” Obo mbo ziba kuti wakazwa ku lufu kuya ku Buumi, ujisi luyandisyo, luumuno, lutangalo, kukkazikamoyo, bubotu, buuya, lukakatilo. Tu jisi Mupaizi Mupati uukkede ku Julu, kalibambilide kubamba nkombelezyo ku luzumino lwesu. Ino ncenzi? Ndeelyo Jesu naka pilukila kuba Logosi, Musumpululu wa Mulilo waka sololela bana ba Israyeli, uukkede mu Busyu bwa zintu zipati, kasensa, fullicoongo wa Mimuni eyo yakayutuka, Myuuya ili ciloba ilondokede, Muuya uulondokede wa luyandisyo.

223 Lino amulangilile. I citaanzi nduyandisyo *lulondokede*, olo nduyandisyo lwa Leza, lusumbula a lunjoloma. I citobela, ciboola omuya, nduyandisyo lwa *phileo*, nduyandisyo ndojisi ku mukaintu wako a ku bana bako. I citobela, ciloba kuzwa ceeco, nduyandisyo *lwacisusi*. I citobela nduyandisyo *lubi*. Elyo kuyabuya buyo ansi kusikila bwaba *busofwi*, kuzumanana buyo kupilingana, kupilingana.

224 Alimwi zintuzyonse zya kajisi matalikilo zili jisi mamanino. Elyo zyonse ziya kugusigwa, nkabela takukwe ciibalusyo cazyo, pee, a kujokela ncobeni kuli cilondokede, buzubabumwi. Elyo nzila biyo . . . Inga wakonzya kwiima ansi awa, cisela canzila, a kubuka *awa*. We elede kuba mu nzila yoonse, kosyoma, koyaamina kumaninina mu lufutuko olo Jesu Kristo ndwa kakupa, ku luyomo.

225 Ngooyo Muuya wa kusyomeka oyo uuzwa kwa Leza. Ako kasensa, kasensa ka Leza. Oko nkusyomeka loko. I citobela muntu uyo cita “mucito mubotu” kuli simukobo nyina. I citobela mulombwana, “we elede kumu langilila.” I citobela mulombwana, “walo mubbi.” I citobela mulombwana, “walo mujayi,” jatilila. Mwabona mbo cipilingana, kuyaansi eni? Pele zyonse zintu zikanana zya kasimpe.

226 Eco ncencico Nce wamba. Cindi conse wabona muntu uli . . . Wa bona banabukwetene baniini kabaselemuka kagwagwa, tulungutwakumoyo, ndiza bali ku myaka ili makumi ali lusele yakukomena. Ci kanana biyo kuti ku Julu kuli banabukwetene bakubusyi abo babaiminina, ku Julu. “Ikuti na eci cilao camwaika, tuli jisi cimwi Okuya.”

227 Ikuti na wa bona uucenga, uubba, kabeja, koyeeya buyo, cibeela cakwe cila mulindila mu gehena, cakwe, busena bwakwe nkwayo penzegwa mu Busyu bwa Leza a Baangelo basalala, amulilo a sulufa. Uya kupenzegwa okuya. Kutali kwalyonse, ta konzyi kupenzegwa kwalyonse, kwalyonse ta caambi conse, kwa ciindi conse. Butamani ngu lyonse, Butamani ngu . . . tabukwe matalikilo na magolelo. Pele *kwalyonse* walo “mwaakwe wa ciindi.” I Bbaibbele lyakati, “Kwalyonse alimwi,” liwanganya,

“kwalyonse.” Jona wakati wa kali mwida lya nswi “kwalyonse.” Walo mwaakwe wa ciindi.

²²⁸ Pele, amulange, kuli biyo Buumi Butamani bomwe, nkabela ngu Leza. Elyo ikuti na uyo penzegwa kwalyonse, nkabela tokonzyi kufwa, ujisi Buumi Butamani. To konzyi kupenzegwa kwalyonse. . . Inga wa penzegwa kwa myaka ya mamilioni ali mwaanda, mu Busyu bwa Leza a Baangelo basalala, a mulilo a sulufa. Ta ndizi ciindi mbo cibambilidwe kulampa. Pele kumalekelo ceelede kusika ku magolelo nkambo caka jisi matalikilo. Alimwi Leza alikke ngu jisi Buumi Butamani. “Oyo uumvwa Majwi Angu, a kusyoma Nguwe waka Ndi tuma,” ta jisi buumi *bwalyonse*, “ujisi Buumi Butamani.” Obo Buumi butalika, taakwe cintu antomwe *awa*. Pele lweendo lonse atala Awo, Buumi Butamani, *Zoe*, Buumi bwa Leza Mwini bwaseluka a kukkala mu muntu, nkabela ngwa Butamani antomwe a Leza, nkabela takonzyi kufwa. Eco nce ncico Ijwi ncolya kaamba.

²²⁹ Amu ciyeeeye buyo. Sena kuli Buumi Butamani bobilo? Inga towiingula oyo, inga wacita? Kuli Buumi bomwe Butamani, nkabela obo Mbuumi bwa Leza. Oyu musyobo umbi wa buumi, takukwe makani mbo ubede, ili jisi magolelo kuli nguwo. Alimwi kufumbwa cintu eco caka jisi matalikilo cili jisi magolelo. Pele kufumbwa cintu cata kajisi mataliko cili jisi magolelo. Elyo Leza wakati Uyo tupa Buumi Butamani, butakwe matalikilo, twa kabambwa buyo kuba cibeela Cakwe. Alimwi mubwini Buumi buli muli ndiswe, tii bwakaletwa okuno kwinda ku bupange bwabuntu. Bupange bwaka tupa muuya, pele oyo muuya wakafwa, alimwi tu jisi Muuya wa Leza. Bulemu kuli Leza!

²³⁰ Sa Leza wakali muntu? Nincobeni. “A Tu lenge muntu mu cinkozya Cesu Cini.” Ino Leza wakalinsi? Ii theofani, mubili. Elyo ngooyo muntu wakalengwa mbuli oyo akubikkwa mu muunda. Pele kwakanyina muntu wakupanda bulongo, mu magano. Mpawo Wa kalenga muntu kuzwa ku suko lya nyika, mu buumi bwamunyama, nkabela oyo muntu wakapanda bulongo. Elyo muntu wakawa, ku nsotoko. Neconzyo. Elyo Leza, Theofani, wakaseluka ansi a kubambwa mu mubili wabuntu a kukkala akati kesu, kuti kanununa muntu.

²³¹ Aboobo taakwe cintu nco konzya kucita. Uli sizibi, ku kotalika. Wa kapangwa mu milandu. Wa kazyalwa mu cibi, kaboola ku inyika kuzo beja. Wa kazyalilwa okuno mu inyika eyi ku kuyanda kwankwela ya bauso a banyoko. Alimwi utozya ku gehena ncobeni mbuli mbo konzya kuba, Ta ndikwe makani eco ncocita. Inga kotana beja, kubba; kubamba milao yonse, a zintuzyonse zimbi; nkabela uyo unka ku gehena, mbuli martin ku bbokesi lyakwe. Pele nzila biyo njo konzya kusola kupona alubo, nku zumina Muuya Uusalala, Buumi bwa Leza Butamani.

232 Ncinzi caka kubamba obo mbobede? Ku matalikilo, cindi Muuya Uusalala niwa kakumba atala lya nyika, kwakanyina cintu cita kuyaka kwamabwe aa volukkano. Ii duba liniini lya Pasika lya kayutuka. Leza wakati, “Eelyo liboneka kabotu. Kazumanana kukumba.” Maluba akayutuka. Bwizu bwakayutuka. Masamu akayutuka. Bayuni bakauluka kuzwa ku suko. Banyama bakayutuka. Ii muntu wakayutuka.

233 Lino, caka citwa buti? Ku kumba kwa Muuya Uusalala, kuleta zibambyo antomwe, potashi, kkaushiamu; kupanga maluba, kupanga banyama, kupanga ndinywe.

234 Elyo lino, mujisi kusala cakwanguluka. Leza ulajoka kukumba kuli ndinywe, a kuti, “Amumvwe Jwi Lyangu? Muta yumyi moyo wanu, mbuli mu mazuba aa kusumunwa.” Ngooyu Wa seluka ansi, wakambauka Ijwi.

“I Makanimabotu aka kambaukwa kuli mbabo bata ka . . . ata kajisi lusyomo muli Ngawo, aboobo Ta akaba gwasya pe.” Ba Kaa mvwa, pele tiiba Kaa syoma.

235 Leza wakaseluka ansi. Wa kaba tondezuya Musumpululu wa Mulilo. Katondezuya kwinda ku musinsimi Wakwe, zitondezuyo a zigambyo, Wa kali anguwe. Tiiba Kau syoma. Oh, ba kayanda kubona maleele. Ba kayanda kumvwa musinsini. Pele kuciimo ca Kuu syoma, tiiba bakacita. Maumi abo akatondezuya kuti teeba kacita.

236 “Lino,” Wa kati, “muta kawi mbuli mukozyanyo nguonya oyo wa kutasyoma.” Nkambo mu buzuba obu bwamamanino, ku mbungano ya Bamasi, Leza walibonya alubo; citondezuyo ncoonya, cigambyo ncoonya, nguonya Musumpululu wa Mulilo, wakasimpikizya wakatondezegwa. Tu tayumyi myoyo yesu a kuwida mu sunko eelyo lyakaindi okuya, lya kutasyoma, nkambo tuya kubola aa nyika nkabela kuyooaba konse kwa ncico.

237 Elyo cindi Muuya Uusalala wakonkomona aa moyo wako, [Mukwesu Branham wakonkomona aa cikambaukilo—Mul.] “Kwakwinda ciindi cilamfu loko, cindi mwa kumvwa Jwi Lyangu, muta kayumyi moyo wanu.” Kwaamba, “Omwana Wangu, obu Mbwini.” Uta langi mutumwa. Swiilila Mulumbe. Ko Li syoma. “Muta yumyi moyo wanu, mbuli mu mazuba aa kusumunwa.”

238 Cindi ali mvwa Jwi Lyako, “Muta yumyi moyo wanu.” Mpawo wati, “Iiyi, Mwami, Ndila syoma.” Mpawo njila mu Buumi, Muuya Uusalala ulasika muli nduwe. Muuya wako wakaindi ulafwa kumaninina, oyo ukubamba kusukamina a kusulaika, a munyono a bulwani, a—a nsulaiko a zintu zyonse, zilafwa. Elyo uba uuzwide luyandisyo, lutangalo, luumuno, kulyookezuya. Takukwe makani myuuwo mbo yuunga, kuli kabotu.

Inkasi yangu ilajata mukati ka cisitilizyo.
Kwiinda mu maguwo onse mapati aanguzu,
Inkasi yangu ilajata mukati ka cisitilizyo.

Nkambo ali Kristo, Mwaala muyumu, Nda
imikila;

Oonse masena ambi ngo muse uubbila.

²³⁹ Mpaawo we. Eddie Perronet, mbuli mbwa kalemba olo lwiimbo lwampuwo. “Oonse masena ambi,” tubungwe toonse, tuyaniza toonse twabuzumini, njiisyo zyonse, zila yabaala. Kristo!

Yebo wati, “Ee, Ndi lizyi Bbaibbele.” To jani Buumi kwinda mukuziba Bbaibbele.

“Ndi kazi katikizimu kangu.” To jani Buumi kwinda mukuziba katikizimu kako.

“Ee, Ndili Munakristo.” To jani Buumi kwinda mukubanda Bunakristo.

²⁴⁰ Ula bujana Buumi kwinda mukuziba Nguwe. Kuziba Nguwe, ujisi Buumi. “Mpawo wanjila mu Kulyookezya Kwakwe. Ula leka milimo yako, mbuli Leza mbwa kacita kuzwa kuli Yakwe.” Wa bambwa kuba mwana wa Leza, sicaabilo wa Leza. Elyo ikuti oyo—ikuti oyo Muuya Uusalala kau kukwelelezya, ayebo wavwiila mu kukwelelezya a kuti, “Iiyi, Mwami,” na kukwelelezya.

²⁴¹ Kukwelelezya, “Amuboole kuli Ndime, nyoonse nomu katede a kulemenwa mikuli. Njo mupa Kulyookezya.”

²⁴² Alimwi wati, “Aah, Ndili muniini. Ndi jisi... Oh, mweembeli wangu ta... Konse Nkwe elede kucita...” Mwabona? To ka Li jani.

²⁴³ Pele cindi wati, “Iiyi, Mwami wangu. Nda limvwa Jwi Lyako. Nse yumyi moyo wangu. Ta ndikwe makani, Mwami, Ndi Ijwi lyako nkabela Ndila Ku syoma. Kondi bweza Jesu. ‘Mbuli buyo Mbwe bede, kakutakwe kulomba komwe, pele kuti Bulowa Bwako bwaka tililwa ndime. Elyo awo Njo syomezya, “Njo syoma.” O Kabelele wa Leza, Nda boola.’” Bikka maanza ako atala lya mutwe Wakwe uli mukufwa, kwaamba, “Mwami, Ndili sizibi, elyo Wa ka ndiita.”

²⁴⁴ “Bonse Taata mbaka Ndi pa bayo boola kuli Ndime, nkabela Njo mubusya ku mazuba akumamanino.”

²⁴⁵ “Iiyi, Mwami, Nda boola. Nse yumya moyo wangu, mbuli mbo bakacita mu kusumunwa, Ndila syoma nconzyo.”

²⁴⁶ Mpawo ncinzi Nca cita? Ula kupa Buumi Bwakwe, Zoe, Buumi Butamani. Elyo ikuti na Leza wakonzya kutubusya kuzwa ku suko lya nyika, oko nko twa kazwa... Sena twa kazwa ku suko? [Mbunga yaamba, “Ameni.”—Mul.] Zintuzyonse nzo mubona, zya kazwida ku suko. Elyo ikuti na Leza wakakonzya

kundi bamba kuba Mbwe bede sunu, kakutakwe kubaa akusala kuli konse; nkaambo buyo kakuti kuyandisya Kwakwe kwakandi bamba, akundipa coolwe ca kulanga Kalivari a kubamba kusala kwangu; elyo nkabela Nda kabamba kusala kwangu a ku Mu syoma; kulainda buti Nkwaya kundi busya! Ikuti na Wa kandi bamba kuba Mbwe bede, kakutakwe kusala, mpawo Nda kabweza kusala aku Mu njizya mukati; cindi Na kabikka maanza Akwe Lwakwe, a kukonkezya kuli Lwakwe, kuti Uya kundi busya ku buzuba bwamamanino. Njo kkala cakaanzambwene.

²⁴⁷ Ndi jisi Kulyookezya, kutali kaambo kakuti Ndi komba Munsondo, kutali kaambo kakuti Ndi komba mu sabata. Eco tacikwe cakucita ancico. Ndila komba nkaambo Nda kanjila mu luumuno a Kulyookezya Kwakwe: luumuno, kulyookezya, luyandisyo, lutangalo. Aalekwe maguwo amvula auluke; inkasi yangu ilajata.

²⁴⁸ Sena uli jisi luzibo olo, sunumasiku, mweenzuma nokkede awa mu cikombelo eci cipya? To boola kuzomvwa ndime. Peepe. Wa boolela kumvwa Ijwi. Swiilila, mweenzuma wangu.

²⁴⁹ Lino ikuti na toku jisi oko Kulyookezya, inga wa Ku jana ndyoonya lino. To yandikani kuboala atala awa aa cipaililo. Kkala mpoonya awo mpobede. Kosinizya, a kwaamba, “Kristo, koamba buyo ku moyo wangu. Ndi lizyi kulapya. Ndili—Ndili buyo wa kuyuma konse, nkasaalo maningi. Ndi limvwa bubi. Pele, Mwami, nincobeni, inga Nkeno zwa nkasaalo a kucisa, kwinda kubija mbuli obu, kakutanaba kuseeni.”

Elyo dokotela inga wazungaanya mutwe wakwe, kwaamba, “Nkulwanwa kwamoyo. Wa fwa.” Mpawo ncinzi?

²⁵⁰ Niinzi mpawo? Cindi Bbuku pati lya kujulwa, niinzi mpawo? Mwa kaimvwa nyimbo eyo, *Niinzi Mpawo?* “Cindi bamwi baakaka Mulumbe, baya kulombwa kupa twaambo, niinzi mpawo?” Niinzi mpawo? Amu ciyeeye lino, akusakana kwini.

²⁵¹ Kuciindi notu kotamika mitwe yesu, amu ciyeeye.

Cindi umwi wakaka oyu Mulumbe
sunumasiku,

Uyo lombwa kupa kaambo, niinzi mpawo?

Niinzi mpawo? Niinzi mpawo?

Cindi Bbuku pati lyaa kujulwa, niinzi mpawo?

Cindi bamwi bakaka oyu Mulumbe
sunumasiku,

Muya kulombwa kupa twaambo, niinzi
mpawo?

²⁵² Taata Wakujulu, konse oku kuli mu maanza Ako lino. Njeeyi Sabata yakasimpe ibikkidwe kumbele lya bantu. Ngooyu Angelo wa Leza, kwa myaka misyoonto yamamanino, wakakwa koonse ku inyika. Basikujana butongo a zintuzyonse zimbi zya,

soleka Kuu sampaula. Pele, ciindi conse, Ula litondezya Omwini kuba Leza.

²⁵³ Inyika yasayaansi, mbungano yanyika; zilofweede, Mwami? Ndiza kuli bamwi omuno sunumasiku uyanda kutambula ku kubona kwabo, kuya bweenda, akuta sunka Leza, mbuli mu mazuba aa kusumunwa; kuta sola ku Mu sunka, kwinda mukuba babotu Munsondo, na kubamba buzuba bumwi, na kayanza kamwi kabuzumini, na kuzulilwa ku mbungano imwi. Pele uyanda kupola a kupalulwa, ku moyo, akutambula Muuya Uusalala. Elyo bala Mu yanda. Ku lusyomo lino, basola ku Mu zumina mu moyo wabo. Ba sola kujana luzyalo kuli Nduwe, Mwami.

²⁵⁴ Oh, kwayanda ba kaambaula mu myaambo. Antela bakaongolola. Ba cijisi bukali mbubonya bwakaindi. Ba cijisi munyono nguonya wakaindi. Ba cilabalika zybuyo a kwaambaula, akucita zintu nzoba teeledede kucita. Taba yandi ceeco, Mwami. Niinzi mpawo, cindi elyo Bbuku pati lya kujulwa, lya kati, “Bali boobo taba kanjili mu Bwami?” “Amu londoke mpawo, mbuli Uso wanu uli ku Julu mbwa londokede.” Kufumbwa cintu cilezya tacika njili. Sena bula syoma cakumaninina, sunumasiku, muli wakabambulwa? Ikuti na pe, Mwami, akube kuti babambe oyo “iyyi” Utamani ndyoonya lino.

²⁵⁵ Koamba, “Mwami, Ndi... Taakwe kulimvwa, pele Nda mvwa Cintucimwi kuni kwa moyo wangu, eco Cintucimwi cindaambila kuti, ‘Ndila konzya kucicita ndyoonya lino, ku luzyalo Lwako.’ Elyo Nda Ku tambula lino mbuli Mufutuli wangu wacigaminina. Nda—Nda zikaka zintu zyonse zya nyika, alimwi Ndi yanda kunjila mu Kulyookezya Kwako. Elyo Ndila syoma kuti Nda cicita ndyoonya lino. Ndila syoma kuti Muuya Uusalala undileta moonya mu busena obo.”

²⁵⁶ Kuciindi mutwe onse noukoteme. Sena kuli umwi ulimvwa nzila eyo ndyoonya lino? Tambika janza lyako, “I Muuya Uusalala uli mukundileta mu busena lino oko Nkwe tacilabaliki limbi.” Leza aku longezye. “Nse kaziciti zintu. Bukali bwangu bwamana. Nda konzya kupona mu luumuno a lutangalo akukkazikamoyo, kuzwida lino. Ndi syoma kuti Leza ula kanana kuli ndime ndyoonya lino, kuti Nda konzya kucicita kuzwida oora eeli, ku luzyalo Lwakwe.” Sena inga watambika maanza ako? Leza aku longezye. Leza aku longezye omulindu mukubusyi. Umwi umbi? “Nda syoma lino.”

²⁵⁷ Muta Mu sunki, mbuli mu buzuba bwa kusumunwa. Muta yeeyi kuti nkaambo tuunka ku cikombelo Munsondo, na kubamba sabata. Paulo wakati, “Nywebo nomu bamba mazuba a myeezi, na zimwi, Nda mugambwa. I mulao mu kuba cimvule ca zintu zibotu zyakacili kuza, alimwi kutali zinkonzya zini zya zintu, ta zikonzyi kulondola mukombi.” Pele Kristo ula

mulondola, kulondoka kumeso aa Leza. Ula zigusya zibi zyanu, ulagusya kuzulwa kuzwa kuli ndinywe, akumupa luyandisyo a lutangalo Lwakwe.

258 Sa inga wanjila mu Kulyookezya lino? Umwi umbi watambika janza lyakwe, kwaamba, “Nda cicita eco.” Leza aku longezye, omulindu mukubusyi, kuboola awa ku lumwesilwangu. Leza longezya mwaalumi uukkede kululyo lwangu. Kunjila mu Kulyookezya Kwakwe, amu kuyeeye ndyoonya lino.

259 Komba, “Mbuli buyo Mbwe bede, kakutakwe kulomba; Nseli kabotu. Taakwe Nce konzya Ku kupa, cita buyo buumi bwangu, bwa kazakala, bwa zibi. Sa Ula nditambula? Salazya? Angulula? Nkaambo, Nda syomezya kuti Njo syoma. O Kabelele ka Leza, Nda boola. Nda boola lino, nkesyoma kuti eno Nda zwa ku lufu kuya ku Buumi. Nkaambo, ndyoonya awa mu cuuno cangu, Nda Ku tambula mbuli Mufutuli wangu nkabela Nda limvwa luumuno mu moyo wangu.”

260 Bosanwe batambika maanza abo. Sa kuli umbi, oyo ulimvwa nzila eyo, tambika janza lyako? Ikuti na toli Munakristo, ko Mu tambula buyo lino.

261 Ikuti na ulibanda kuba Munakristo nkabela kotali musyobo oyo, ucili sizibi, takukwe makani obo buumi nco—nco kacita, na nzila mbo sola kulibamba lwako. Eco ncocita tacitambulwi. Nceeco Nca kacita. Bululami bwako tabu katambulwi. Ikuti na waleka kufweba nkaambo kakuti buyo wakati, “Ee, ncibotu Nda leka kufweba nkaambo Ndi bandauka Bunakristo.” Leza ta tambuli eco. Ikuti na waleka kusukamina banakazi, nkaambo buyo kuti ulibamba lwako kucicita, Leza ta tambili eco. Eco ncintucimwi nco cita. Eyo milimo. Nduzyalo luku futula. Sena Leza wakakusikila a kugusya cintu conse kuzwa kuli nduwe? Eco nce cintu citobela.

262 Yebo wati, “Nda kasangana mbungano, alimwi aboobo Nda kazileka zintu ezi.” Leza taka tambula ceeco, taakwe nco konzya kupa. Walo utambula biyo eco Kristo ncapa. Ula mupa Buumi Butamani, a kucigusya kuzwa kuli ndinywe. Sa mula Bu tambula?

. . . kubusena aa maguwo amvula, lwizi lukali,
 Boola, simpika buntu bwako mu mayubilo aa
 Kulyookezya,
 A kuti, “Omuyandwa wangu.”

Nda kasimpa buntu bwangu . . .

Yaa, inga mwanusya mitwe yanu. I mulumbe wagola lino. Atu kombe buyo eno.

Nse keendi limbi aa lwizi lukali;
 I guwo lyamvula inga lyafumpa lwizi, cabukali
 akupilingana,
 Muli Jesu, Ndili kabotu lyoonse.

²⁶³ Oonse lino, mu kukomba.

Nda kasimpa buntu bwangu mu mayubilo aa
 Kulyookezya, (Sabata)
 Nse keendi limbi aa lwizi lukali;
 I guwo lyamvula inga lyafumpa lwizi, cabukali
 akupilingana,
 Muli Jesu Ndili kabotu lyoonse.
 Komweka ali ndime, . . .

Kolyangulula buyo omwini. Jala meso ako. Waumvwa oyo
 Muuya mubotu na? Oko nkukomba. I mulumbe wagola. Oku
 nkukomba.

Lekela Mumuni kuzwa ku ngazi yamumuni
 undi munikile,
 O kondi munikila, O Mwami, kondi munikila,
 O lekela Mumuni uzwa ku ngazi yamumuni
 undi munikile.

²⁶⁴ Mbangaye balimvwa kabotu loko? Tambika janza lyako. Oyo
 muuya, mubotu mubombe, ngo Nguwe.

Kuba mbuli Jesu, kuba buyo mbuli Jesu,
 Aa nyika Ndi yandisya kuba mbuli Nguwe;
 Kwinda mu lweendo lonse lwa buumi kuzwida
 a nyika kuya ku Bulemu,
 Ndi lombamba biyo kuba mbuli . . .

Kamukomba buyo.



BAHEBRAYO, CHIPATI CANE TNG57-0901E
(Hebrews, Chapter Four)

MATOBELANWA AA BBUKU LYA BAHEBRAYO

Oyu Mulumbe aa Mukwesu William Marrion Branham, wakakambaukwa lutaanzi mu Chikuwa Munsondo mangolezya, Itwi 1, 1957, ku Branham Tabernacle mu Jeffersonville, Indiana, U.S.A., wa kagu sigwa kuzwa ku rekordi yamagnetiki teepu a kulembwa cakutagwisyacintu mu Chikuwa. Obo busanduluzi bwamu Chitonga bwa kalembwa a kumwaisigwa aa Voice Of God Recordings.

CHITONGA

©2021 VGR, ALL RIGHTS RESERVED

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org

Kuzibya Kwa Nguzu Zyakkopi

Nguzu zyoonse zilitaminidwe. Eli bbuku inga lyalembwa ku purinta yaku ng'anda ku kubelesya kwamuntu na kuvozegwa, kakutakwe kubbadelesya, mbuli cibelesyo ca kumwaisya Makani mabotu aa Jesu Kristo. Eli bbuku talikonzyi kusambalwa, kulembululwa muciiimo cipati, kubikwa aa webbusaiti, kuyobolwa mu ciyanza cakujokolosya, kusandululwa mu misyobo iimbi, na kubelesegeka kulomba lugwasyo lwa mali kakutakwe kuzumizigwa kulembedwe kwabumboni aa Voice Of God Recordings®.

Ku makani aamba na cakubelesya cimbi ciliko, walombwa kukwaba ku:

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org